



RIDAWIYYAH  
HIDDEN TREASURE OF KNOWLEDGE



# Safeena -é- Bakhshish

*Transliteration of Taj al-Shariah Mufti Akhtar Raza Khan's (may Allah sanctify his secret) written poetry*

TRANSLITERATION:  
QUADRIA RAZAVIA (BINT FAIZ)

❀ Transliteration: Safeena é Bakhshish ❀

A Ridawiyya Letters © publication

# *Safeena-e-Bakhshish*

*Transliteration of the poetry penned by Taj al-Shariah Mufti Akhtar Raza Khan [may Allah sanctify his secret]*

**MUFTI AKHTAR RAZA KHAN (d. 1439/2018)**

*Transliteration done by*

**QUADRIA RAZAVIA [BINT FAIZ]**





Disclaimer for disseminators:

This book is published under the supervision of Ridawiyyah Letters from [www.ridawiyyah.nl](http://www.ridawiyyah.nl). The book is made available free of charge via the address link below. If you find the book elsewhere except via the address link given below or in any other form, this is not from Ridawiyyah Letters itself and the organization and its associated companies or suborganizations are not responsible for the changes therein. The book can be freely distributed with or without commercial purposes. The publisher is not responsible for the costs incurred and does not want to interfere in any advantage of profits or other forms of earnings.

Note the version of the document. The latest version is, as far as possible, available via the address link given below. New changes to the document are also updated via the address link below.

Last update: June 2020

Version: 1.1

Link: <https://ridawiyyah.nl/download/safeena-e-bakhshish/>

If you see errors and / or possible changes, or if you want to contact the author of the book, please contact us via [contact@ridawiyyah.nl](mailto:contact@ridawiyyah.nl) with the appointment of the title of the book and the comments that apply.

Published by Ridawiyyah Letters © in November 2018.

[www.ridawiyyah.nl](http://www.ridawiyyah.nl)

[contact@ridawiyyah.nl](mailto:contact@ridawiyyah.nl)

This work is licensed under the Creative Commons Attribution-NoDerivatives 4.0 International License. To view a copy of this license, visit <http://creativecommons.org/licenses/by-nd/4.0/>.



Transliterator: Quadria Razavia [Bint Faiz]



## FOREWORD BY 'ALLAMA MUFTI AFTHAB CASSIM QAADIRI RAZVI NOORI

بِسْمِ اللَّهِ الرَّحْمَنِ الرَّحِيمِ

Allah's Name (we) begin with, The Compassionate Most Merciful

As Salaatu Was Salaamu Alaika Ya Rasool' Allah

All Praise is Due to Almighty Allah; Peace, blessings and Salutations upon the Most Beloved of Allah, Sayyiduna Rasoolullah ﷺ, and upon His ﷺ noble family and illustrious companions, and upon all those who have attempted to praise His ﷺ excellence.

During my trip to Amsterdam this Muharram 1440 Hijri, Brother Ahmed of Amsterdam (Holland) sent me a transliteration of Safeena e Bakhshish and requested that I write a few words for this publication. I have however not had the time to read through the entire document, but I have briefly browsed the document. I must thus commend sister Quadria Razavia (Bint Faiz) for her efforts in transliterating the 'Safeena e Bakhshish' (The Ship of Salvation), which is the 'Bouquet of Spiritual Poetry' written by my Shaykh e Kaamil, Huoor Sayyidi Taajush Shariah Hazrat Allama Mufti Imam Mohammed Akhtar Raza Khan Qaadiri Azhari ﷺ, who is indeed the Qutb ul Aqtaab of this era and the true Inheritor of the knowledge, wisdom and piety of the great Mujad' did Sayyidi Aala Hazrat Ash Shah Imam Ahmed Raza Khan ﷺ, and his Beloved sons, Huoor Hujjatul Islam Allama Haamid Raza Khan ﷺ and Ghaus ul Waqt Huoor Mufti e Azam Hind Ash Shah Imam Mustafa Raza Khan ﷺ. I must also commend Ridawiyyah Letters for publishing this book.

Like his noble forefathers Sayyidi Taajush Shariah ﷺ also manifested his love for the Beloved Rasool in all his writings and discourses, and this could be seen at a very deep and passionate level in the poetry which he composed in his love for Sayyiduna Rasoolullah ﷺ.

Like his forefathers, his poetry mostly consisted of Hamd in Praise of Allah; Na'at Shareef in praise of the Beloved Rasool Hazrat Sayyiduna wa Maulana Muhammad ﷺ, and Manqabats in praise of the Awliyah Allah, especially in the love of Huoor Sayyiduna Ghauth ul Azam Al-Jilani Al-Baghdadi ﷺ. When reciting or listening to the Na'ats composed by him, one is able to feel the special blessings of Sayyidi Aala Hazrat ﷺ, and it becomes very evident that, like his blessed forefathers, both his heart and soul were absorbed in the profound love of the Beloved Rasool ﷺ.

Like his blessed forefathers, his Na'atiya Kalaam was written within the confines of the Shariah. Never did he transgress the sacred Shariah in words or actions. Every stanza flowed with pearls of Divine Inspiration (Ilhaam).

May Allah reward the transliterator, the publisher and all those who have assisted in this noble task with barkat in their Imaan and in their lives. Aameen.

Sag e Mufti e Azam

Muhammad Afthab Cassim Qaadiri Razvi Noori

Imam Mustafa Raza Research Centre

Durban, South Africa

Currently in Amsterdam – 10 Muharram 1440 Hijri

## FOREWORD BY TRANSLITERATOR

All praises be to Allah, The Most Exalted, The Most Merciful. And countless blessings and salutations be upon the Beloved Prophet Muhammad ﷺ, The King of the Universe.

It is with great honour and blessings that I share the transliteration of the beautiful and heart-warming poetry of Huzoor Mufti Akhtar Raza Khan Qadiri 'alayhi al-Rahma, which surely fills the hearts of the believers with upmost love for Beloved Aaqa Tajdar-e-Madinah ﷺ and mends the broken ones through its charismatic poetic lines. All praises to The Lord of the Universe The Almighty Allah that He has chosen this sinner for such an opportunity and responsible work.

With the pure intention of isaal-e-thawaab for my Beloved Father Faiz Muhammed Sahab Marhoom, I take this as one of the greatest blessings to present it with love and respect and as bestowment in the blessed court of My Shaykh My Spritual Guider Huzoor Taj al-Shari'ah Mufti Muhammed Akhtar Raza Khan Qadiri 'alayhi al-Rahma

I pray to Almighty Allah Subhanahu wa Ta'ala that he accept this work in his majestic court with the waseela of Beloved Aaqa Tajdaar-e-Madinah, the peace of the hearts Sayyiduna Muhammed Mustafa ﷺ and reward each one of them who in any form/way took part in the publishing of the book, especially the publisher Ridawiyyah Letters from the Netherlands who made it easy and best in every possible way to publish it for all the lovers of Huzoor Taj al-Shari'ah around the globe. May Almighty Allah reward them the best in every manner for such an overwhelming work.

May The Most Affectionate Allah The Almighty shower his choicest blessings upon the grave of Huzoor Taj al-Shariah 'alayhi al-Rahma and through his sadqa elevate the rank of my beloved father Faiz Muhammed Sahab to highest in Jannah.

If there is any error/mistake caused in this book, it surely belongs to me and not to the original author of the book. From Allah Almighty we ask for goodness and guidance, and pray that he will keep us on the right path of his chosen ones. For He is the best Guide of all.

*KAAM WOH LEIJIYE TUM KO JO RAAZI KARE  
THEEK HO NAAM-E-RAZA TUM PE KARORON DUROOD*

Lowest servant of Sayyidaa Tayyibaa Tahira Bibi Fatima al-Zahra al-Butool Radi Allahu Ta' ala Anha  
Quadria Razavia (Bint Faiz)



## AMENDE HONORABLE [TAWBA] BY TRANSLITERATOR<sup>1</sup>

بسم الله الرحمن الرحيم

أستغفر الله ربي من كل ذنب وأتوب إليه

Alhamdulillah Sayyaduna RasulAllah SallallahuAlayhiWaSallam ke is gunehgar per beshumaar ehshaanaat hai lekin is ehsaan ke main qurbaan ke mera ta'luq Maslak-e-AlaHazrat Alayhirahma (Yaani Ahle Sunnah wal jama'ah) se rakha, hamara hamesha se hi har mas'aley mei wahi mauqoof raha hai jo Sayyadi AlaHazrat Alayhirahma ka hai...or AlaHazrat Alayhirahma ka farmaan hamare liye hurf-eaakhir hain..or in sha Allah Ta'ala hamesha rahega,ismein koi shak nahin...

Lekin kuch mas'alon mein humse bad-parhezi hogayi thi jiske liye hum Maula Kareem ki bargah mein muaafi talab karte hain...or beshak Allah Paak hi hidayat bakhshne wala Bada Meherbaan hai,jisne hamein hamesha sahih aqeede per qaem rakha...

Jab is gunehgar ko Wisaal e Huzoor TajushShariah Alayhirahma ke baad july-2018 mein bareily shareef jaane ka sharf haasil huwa, aur jis waqt Imam Ahmad Raza Alayhirahma ki bargah e aqdas mein haazri huwi toh Allah Rabbul Izzat ne mujh gunehgar ko is baat ki taufeeq bakhshi ke maine apne pichle saalon (past years) mein jitne bhi TV programs kiye hain (with niqaab) usse main tauba karlun, or isi taufeeq ki wajah se maine ehed kia ke In sha Allah Ta'ala main aaj ke baad kabhi koi bhii TV channels per programs nahi karungi kyunke aurat ke liye iske mutaliq shariat mein sakhti se mana kia gaya or isey haraam kharar kiya gaya.

kyunke maine is baat ka na hi ailaan kiya tha or na kisi ko iska ilm tha,toh main zaruri samajhti hu ke ap tamaam ko is baat se waaqif karwaun,taakey mazeed koi confusion na rahen..

Or Mera Rabb is baat ka gawaah hain ke humne jo bhi kaam kiya sirf or sirf khwateen or naujawan ladkiyon ki islah ki khatir kiya...lekin Allahpak ne asbaab banaye or hamein is fitne se mehfooz frmaya or Humne Noori Sisters Foundation ka aaghaz isi bina par kiya hain ke sahi tarah se khwateen ko bilqusoos aj ki naujawaan ladkiyon ko islaam ka sahih paighaam pohonchaaye..

---

<sup>1</sup> A frank and open confession of guilt by the transliterator and her abstention from these penitential practices.

Ab hmri tauba ke baad agar koi hamare pichle kaamon ki binaa per hamare kaam mein ya hamari zaati shakhsyat ko kisi bhi tarah zaleel karne ki koshish karega toh yaad rakhiye kisi bandey ki tauba karne ke baad uske gunah ka tazkirah karna khud gunahgar hona hai..

Jis kisi ke paas mere programs ki recordings hain ya photos hain toh main unse adaban guzarish karti hoon ke woh usey delete karden, warna woh is kaam k khud gunahgaar hain or main issey bari hoon.

Or in sha Allah khwateen mein humse jo kaam ho paaega, woh hota rahega or mazeded jazbey or aajizi ke sath hum is kaam ko aagey badhaayenge..

Hum Allah paak hi se taufeeq maangtey hain or usi ki bargah mein muaafi talab karte hain sadqe e Shah e Ambiya Alayhisalam Allahpak hamein bakhshden or Allah se dua hain ke hamein Maslak e AlaHazrat par sakhti se qaem rakhen or zyada se zyada amal karne ki taufeeq ata karen or deen ki khidmat karne ka mauqa inaayat farmaye or isi per hamein imaan ki haalat mein maut ataa karen...  
Ilaahi aameen

Mujhe umeed hai is kaam mein hamare tamam sunni sahih ul aqeeda bhai or behen hamara saath denge ..or is paighaam ko zyaada se zyaada aagey pohonchaenge...

JazakAllahu Khayran kaseeran kaseera for all your support ..

- Lowest servant of Bargah e Sayyida Tayyiba Bibi Fatima Zahra Al Batool RadiAllahuTa'alaAnha...  
Quadria Razavia (Bint Faiz)

## Contents

FOREWORD BY TRANSLITERATOR.....	5
1. QASEEDAH FIL HAMDI WA MADHI NABIYI ﷺ.....	15
2. JAHAN BAANI 'ATA KAR DEN.....	18
3. MUSTAFA-E-ZAAT-E-YAKTA AAP HAIN.....	20
4. WAJH-E-NISHAT-E-ZINDAGI RAAHAT-E-JAAN TUM HI TO HO.....	22
5. KAASH GUMBAD-E-KHAZRA DEKHNE KO MIL JAATA.....	23
6. SAB MADINE CHALEN.....	25
7. WOH UBLA CHASHMAH SHARBAT KA.....	26
8. HAMEN AB DEKHNA HAY HOUSLAH KHURSHEED-E-MEHSAR KA.....	27
9. GHAM-E-HASTI NE HAMEIN KHOON RULAYA HOGA.....	28
10. TERA AAQA SHAHENSAR-E-KOUNAIN HAY.....	29
11. BASAD ADAB PAE TASLEEM SAR JHUKAAYE FALAK.....	30
12. MUNAJAAT KI RAAT.....	31
13. KABHI REHTE WOH IS GHAR MEIN.....	32
14. TERI CHOUKHAT PE JO SAR APNA JHUKA JAATE HAIN.....	33
15. UN KE DAR KI BHEEK ACHCHI.....	34
16. KUCH KAREIN APNE YAAR KI BAATEIN.....	36
17. JO UN KI TARAF MERI CHASHM-E-ILTEFAAT NAHIN.....	37
18. QASAM KHUDA KI SHAHA KAAMIYAAB HO JAAUN.....	38
19. LAB-E-JAAN BAKHS KA SADQA DEY DO.....	39
20. APNE DAR PE JO BULAAO TO BOHAT ACHCHA HO.....	40
21. DAR-E-JAANAN PE FIDAAYI KO AJAL AAYI HO.....	40
22. ZAHEY 'AZMAT-O-IFTEKHAAR-E-MADINAH.....	42
23. NAARA-E-RISAALAT.....	43
24. DOORAY DIL RAHEN MADINE SE.....	45
25. SABA YE KAISI CHALI AAJ DASHT-E-BATHAA SE.....	46
26. SADQEY JAAUN MAIN ANEES-E-SHAB-E-TANHAAYI KEY.....	47
27. MADINAH AANE WAALA HAY.....	48
28. BAADAH-E-'ISHQ-E-MUSTAFAA.....	50
29. SARKAR-E-DO 'AALAM KI MOHABBAT.....	51
30. MAST MAY ALAST.....	52
31. JAAN-E-BAHAARAAN.....	53

32.	TAARON KI ANJUMAN MEIN YE BAAT HO RAHI HAY .....	54
33.	AEK BIJLEE CHAMAK RAHI HAY .....	55
34.	AY NASEEM-E-KOO-E-JAANAN.....	56
35.	FURQAT-E-TAYBAH KI WAHSHAT DIL SE JAAYE KHAIR SE.....	57
36.	SAAMAAN-E- 'ISHRAT KIJIE .....	59
37.	BAHAAR-E-BE KHIZAAN.....	61
38.	FARISHTAY JIS KE ZAAIR HAIN.....	62
39.	SHAMEEM-E-ZULF-E-NABI ﷺ.....	64
40.	MERI CHASHM KAAAN-E-GAUHAR HO RAHI HAY .....	65
41.	AEK NAZAR MAHR-E-DARAKSHAAN-E-JAMAAL.....	66
42.	MAHR-E-ANWAR AYEDIYAAN .....	66
43.	GAR HAMEIN ZAUQ-E-TALAB SA REHNUMA MILTA NAHIN.....	68
44.	DAR-E-AHMAD PE AB MERI JABEEN HAI .....	69
45.	NOOR HI NOOR HAI ZIYAA HI HAY.....	70
46.	QAT' AA.....	71
47.	MUNAWWAR HOGAYA 'AALAM.....	72
48.	QAT' AA.....	73
49.	BAZM-E-YAAR KA 'AALAM.....	74
50.	ZAARI-E-PAYHAM KYA HAY.....	75
51.	NAZAAREY BADAL GAYE.....	76
52.	ASHK-E-RAWAAN .....	77
53.	RAAH-E-ULFAT MEIN .....	78
54.	MANZAR-E-ISLAAM.....	79
55.	AYZAN.....	80
56.	'ARABI NA' AT.....	81
57.	YAA MUJEEBU YAA MUJAABU .....	83
58.	'Arabi Salaam .....	84
59.	'Arabi Ghazal .....	88
60.	YAA RASOOLALLAH YAA KHAYR-UL-ANAAM.....	90
61.	MERE ALLAH KE NIGAAR SALAAM .....	92
62.	AY MADINE KEY SHAHR-E-YAAR SALAAM .....	94
63.	AY SABA LE JAA MADINE KO PAYAAM .....	95

64.	MANQABAT: SAYYEDNAA IMAAM-E- 'AALI MAQAAM HAZRAT IMAAM HUSSAIN RADIALLAHTA' ALA' ANHU.....	97
65.	AYEZAA.....	98
66.	YAA GHAAUS AL MADAD.....	99
67.	MANQABAT: DAR MADAH HAZRAT SAYYAD SAALAAH MAS' OOD GHAAZI 'ALAYHIRAHMAH.....	100
68.	KHWAJA-E-HIND WOH DARBAAR HAI .....	101
69.	JAMAAL-E-HAZRAT-E-AHMAD RAZA KA AAYNAA TUM HO.....	102
70.	MANQABAT: DAR SHAAN HUZOOR MUFTI-E- 'AZAMHIND 'ALAYHI RAHMAH.....	103
71.	CHAL DIYE TUM AANKH MEIN ASHKON KA DARYAA CHORH KAR.....	105
72.	LA' AL-E-YAKTAA-E-SHAH-E-AHMAD RAZA MILTA NAHIN .....	107
73.	MANQABAT: DAR SHAAN-E-MUFASSIR-E- 'AAZAM-E-HIND 'ALAYHI RAHMA.....	108
74.	MANQABAT: DAR SHAAN-E-MUFASSIR-E- 'AAZAM HIND 'ALAYHI RAHMA 109	
75.	BAA MAUQA' A WAFAT HASRAT-E-AAYAAT-E-KHAAL-E-MOHTARAM JANAAB UMMEED SAHAB RAZAVI.....	110
76.	MANQABAT: DAR SHAAN HUZOOR MUJAAHID-E-MILLAT.....	111
77.	MANQABAT: DAR SHAAN HUZOOR MUJAHID-E-MILLAT 'ALAYHI RAHMA 113	
78.	MANQABAT: DAR SHAAN AHSAN-UL- 'ULAMAA MAARHARWI 'ALAYHI RAHMA.....	113
79.	AY NAQEEB-E- 'AALA HAZRAT.....	115
80.	SEHRAA TAQREEB SHAADI KHAANA AABAADI BIRAADAR-E- 'AZEEZ MOULWI MANNAAN RAZA KHAN SALLAMAHU.....	117
81.	TEHNIYAT TAQREEB-E-SHAADI 'ABDUL KAREEM SAHAB BARAAYE HAAJI SULAIMAN IBRAHIM.....	119
82.	SEHRAA TAQREEB-E-SHAADI KHANA AABAADI 'AZEEZI MUHAMMAD SA' EED NOORI SALLAMAHU .....	120
83.	BAA TAQREEB SAALGIRAH BEBY SALMAA BINTE 'AZEEM JEE SAALEH JEE SAAKIN CALCUTTA.....	123
84.	أعینای جود اولا تجمدا.....	124
85.	ألایا خمینی یا فاجر.....	127
86.	تَدَاعَوْا فُحْجُوا اِلَى لَنْدَنْ.....	128
87.	المديح النبوي .....	129

88.	KUCH AISAA KAR DEY MERE .....	130
89.	ABR-E-KARAM GESU-E-MUHAMMAD ﷺ .....	131
90.	AY AMEEN-E-SHARI' AT .....	133
91.	CHAAND SE UN KE CHEHREY PAR.....	134
92.	ZINDAGI YE NAHIN HAY KISI KEY LIYE .....	135



## 1. QASEEDAH FIL HAMDI WA MADHI NABIYI ﷺ

BISMILLAHIR RAHMAANIR RAHEEM

Allah Allah Allahu  
Maali Rabbun illa hoo

أَللهُ أَللهُ أَللهُ - مَالِي رَبِّ الْاَهُو

Yafnal kullu wa yabqaa hoo  
Lay'sal baaqi illa hoo

يَفْنَى الْكُلُّ وَيَبْقَى هُوَ - لَيْسَ الْبَاقِي الْاَهُو

Man kaana du'aahoo ay yaa hoo  
Dhaaka hammeedun 'uqbaahoo

مَنْ كَانَ دُعَاهُ أَنْ يَأْهُو - ذَاكَ حَمِيدٌ عُقْبَاهُ

Man kaana li Rabbi dunyaahoo  
'Aashaa sa'eedan ukhraahoo

مَنْ كَانَ لِرَبِّي دُنْيَاهُ - عَاشَ سَعِيدًا أُخْرَاهُ

Man kunta ilaahi Moulaahoo  
Kullun naasi tawallaahoo

مَنْ كُنْتَ إِلَهِي مَوْلَاهُ - كُلُّ النَّاسِ تَوَلَّاهُ

Mam maata yaquloo Allahu  
Dhaakal khalidoo mahyaahoo

مَنْ مَاتَ يَقُولُ اللهُ - ذَاكَ الْخَالِدُ مَحْيَاهُ

Ruslullahi talaqqaahoo  
Abshir 'abdu bihusnaahoo

رُسُلُ اللهِ تَلَقَّاهُ - أَبْشِرْ عَبْدٌ بِحُسْنَاهُ

Arridwaanoo lahu nuzulun  
Jannatu khuldin maa'waahoo

الرِّضْوَانُ لَهُ نُزُلٌ - جَنَّةٌ خُلْدٍ مَّأْوَاهُ

Takhshan naasa bilaa jadwaa  
Halla rabbaka takhshaahoo

تَخْشَى النَّاسَ بِلَا جَدْوَى - هَلَّا رَبَّكَ تَخْشَاهُ

Ibghil amna ladaa Rabbi  
Innal amna bitaqwaahoo

إِبْغِ الْأَمْنَ لَدَى رَبِّي - إِنَّ الْأَمْنَ بِتَقْوَاهُ

Tansaa Rabbaka Yaa faani'  
Dumm in shee'ta bidhikraahoo

تَنْسَى رَبَّكَ يَا فَانِي - دُمْ إِنَّ شِئْتَ بِذِكْرَاهُ

Tarjoon naasa lijadwaahum  
Innal jadwaa jadwaahoo

تَرْجُو النَّاسَ لِجَدْوَاهُمْ - إِنَّ الْجَدْوَى جَدْوَاهُ

Hal ghayraka yakhshaa Rabbi  
Ghayruka Rabbi yakhshaahoo

هَلْ غَيْرُكَ يَخْشَى رَبِّي - غَيْرُكَ رَبِّي يَخْشَاهُ

Rabbi Rabbul arbaabi  
Lay 'sa yudaahaa haashaahoo

رَبِّي رَبُّ الْأَرْبَابِ - لَيْسَ يُضَاهِي حَاشَاهُ

Fasiwaahoo Rabbum bilismi  
Wa ilaahul haqqi yar 'aahoo

فَسِوَاهُ رَبُّ بِالْإِسْمِ - وَاللَّهُ الْحَقُّ يَرَعَاهُ

Alwaahidu laysa bidhi 'juz 'in  
Laa waahida haqqan illa hoo

الْوَاحِدُ لَيْسَ بِذِي جُزْءٍ - لَا وَاحِدَ حَقًّا إِلَّا هُوَ

Al khalqu maraa yaa moujoodin  
Laa moujooda illa hoo

الْخَلْقُ مَرَا يَا مَوْجُودٍ - لَا مَوْجُودَ إِلَّا هُوَ

Wal kullu mazaahiroo mash'hoodin  
Laa mash'hooda illa hoo

وَالْكُلُّ مَظَاهِيرُ مَشْهُودٍ - لَا مَشْهُودَ إِلَّا هُوَ

Fardun haqqa ilaa hatuhoo  
Laa ma'abooda illa hoo

فَرَدُّ حَقًّا إِلَّا هَتُّهُ - لَا مَعْبُودَ إِلَّا هُوَ

Wanhalla salaatulahi 'alaa  
Mal laysa shafi'an illa hoo

وَأَنْهَلَ صَلَاةَ اللَّهِ عَلَى - مَنْ لَيْسَ شَفِيعًا إِلَّا هُوَ

Mam biddeeni ah 'yaana  
Hayyallahu muhayyahoo

مَنْ بِالْدِّينِ أَحْيَانَا - حَيَّ اللَّهُ مُحْيَاهُ

'Ammal kouna birahmatihi  
Kullur ruhmaa ruhmaahoo

عَمَّ الْكُونُ بِرَحْمَتِهِ - كُلُّ الرَّحْمَى رُحْمَاهُ

Wazdaana bilaadullahi bihi  
Falkullu zalaamun loulaahoo  
Falkaonu zalaamun loulaahoo

وَأَزْدَانِ بِلَادِ اللَّهِ بِهِ - فَالْكُلُّ ظَلَامٌ لَوْلَاهُ فَالْكُونُ ظَلَامٌ لَوْلَاهُ

Jaa'a jameelur rahmaani  
Fashkur tazdad na'maahoo

جَاءَ جَمِيلُ الرَّحْمَانِ - فَاشْكُرْ تَزَدَدَ نَعْمَاهُ

Hallal farhu bimoulidihi  
Fafrah hatta talqaahoo

حَلَّ الْفَرْحُ بِمَوْلِدِهِ - فَافْرَحْ حَتَّى تَلْقَاهُ

Qadneeta hayaatul kouni bihi  
Fal kounu a'deemun lou'laahoo

قَدْ نَيْطَ حَيَاةُ الْكُونِ بِهِ - فَالْكُونُ عَدِيمٌ لَوْلَاهُ

Yaaman yatlubu ridwaana  
Marridwah illa iyyaahoo

يَا مَنْ يَطْلُبُ رِضْوَانًا - مَا الرِّضْوَةُ إِلَّا إِيَّاهُ

Kul linabiyyillahi ridaa  
Tahzaa ladayhi bizulfaahoo

كُنْ لِنَبِيِّ اللَّهِ رِضَى - تَحْظَ لَدَيْهِ بِرُفْقَاهُ

Inna ni'mata Ahmadunaa ﷺ  
Yaa taalibi ney'mati moulaahoo  
Allahu ilaynaa ahdaahoo

إِنَّ النِّعْمَةَ أَحْمَدُنَا ﷺ - يَا طَالِبَ نِعْمَةٍ مَوْلَاهُ

اللَّهُ إِلَيْنَا أَهْدَاهُ

Birasoolillahi fabtahijoo  
Fahuwal fazlu wa bushraahoo

بِرَسُولِ اللَّهِ فَأَبْتَهِجُوا - فَهَوَا الْفَضْلُ وَبُشْرَاهُ

Billahi ta'ayyada naasirunaa  
Laa yukhdhalu man qad rajjahoo

بِاللَّهِ تَأَيَّدْنَا صِرُنَا - لَا يُخْذَلُ مَنْ قَدْ رَجَّاهُ

Adrik a'bdaka jeelaani  
Man ghayruka yadfa'oo balwaahoo

أَدْرِكْ عَبْدَكَ جِيلَانِي - مَنْ غَيْرُكَ يَدْفَعُ بَلَوَاهُ

Wayazooru salaamur rahmaani  
Khayra nabiyyin nabbahoo

وَيُزَوِّرُ سَلَامُ الرَّحْمَنِ - خَيْرَ نَبِيِّ نَبَاهُ

Haadha AKHTARU adnaakum  
Rabbi ahsana mathwaahoo

هَذَا أَخْتَرُ أَدْنَاكُمْ - رَبِّي أَحْسَنَ مَثْوَاهُ

## 2. JAHAN BAANI 'ATA KAR DEYN

JahaN baani 'ata kar deyN bhari jannat hibaa kar deyN  
Nabi Mukhtaar-e-kul haiN jis ko jo chaaheN 'ata kar deyN

JahaaN meiN Un ki chalti hay woh dam meiN kya se kya kar deyN  
ZameeN ko aasmaN kar deyN surayya ko saraa kar deyN

Fazaa meiN uRhney waaley yuN na itraayeN nidaa kar deyN  
Woh jab chaaheyN jisey chaaheyN usey farmaaN rawaa kar deyN

Meri mushkil ko yuN aasaaN mere mushkil kushaa kar deyN  
Har ik mouj-e-balaa ko mere maulaa nakhuda kar deyN

Munawwar meri aankhoN ko mere Shamsu-duhaa kar deyN  
GhamoN ki dhoop meiN wo saaya-e-zulf-e-dutaa kar deyN

'Ataa ho beykhudi mujhko khudi meri hawaa kar deyN  
Mujhey yuN apni ulfat meiN mere maulaa fanaa kar deyN

JahaaN meiN 'aam payghaam-e-Shah-e-Ahmad Raza kar deyN  
Palat kar peechey dekheN phir se tajdeed-e-wafaa kar deyN

Nabi se jo ho begaanaa usey dil se juda kar deyN  
Pidar, maadar, biraadar, maal-o-jaaN un par fidaa kar deyN

Tabassum se gumaaN guzrey shab-e-taareek par din ka  
Ziyaa-e-rukh se deewaaRoN ko roshan aayinaa kar deyN

Kisi ko woh hansaatey haiN kisi ko woh rulaatey haiN  
Woh yunhi aazmatey haiN woh ab to fayslah kar deyN

Gil-e-taybah meiN mil jaauN guloN meyN mil ke khil jaauN  
Hayaat-e-jaawedaani se mujhey yuN aashna kar deyN

UnheN manzoor hai jab tak ye dour-e-aazmaesh hay  
Na chaaheyN to abhi woh khatm dour-e-ibtilaa kar deyN

Sag-e-aawaarah-e-sahra se uktaa si gae dunya  
BachaaO` ab zamaaney ka sagaan-e-Mustafaa kar deyN

Mujhey kya fikr ho AKHTAR mere yaawar haiN woh yaawar  
Balaaon ko jo meri khud giraftaar-e-balaa kar deyN

### 3. MUSTAFA-E-ZAAT-E-YAKTA AAP HAIN

Mustafa-e-zaat-e-yakta Aap haiN  
Yak ne jis ko yak banaaya Aap haiN

Aap jaysa koi ho sakta nahiN  
Apni har khoobi meiN tanhaa Aap haiN

Aab-o-gil meiN noor ki pehli kiran  
Jaan-e-Adam jaan-e-Hawwa Aap haiN

Husn-e-awwal ki numood-e-awwaliN  
Bazm-e-aakhir ka ujaala Aap haiN

Laa makaaN tak jis ki phaili roshni  
Woh charagh-e-'aalam aara Aap haiN

Hai namak jis ka khameer-e-husn meiN  
Woh maleeh-e-husn-e-aara Aap haiN

Zeyb-o-zeen-e-khaak-o-fakhr-e-khaakiyaN  
Zeenat-e-'arsh-e-mu'alla Aap haiN

Naazish-e-'arsh-o-waqaar-e-'arshiyaaN  
Sahib-e-qausayn-o-adnaa Aap haiN

Aap ki tal'at Khuda ka aayinah  
Jis meiN chamkey haq ka jalwah Aap haiN

Aap ki rooyet hai deedar-e-Khuda  
Jalwah gaah-e-haq ta'ala Aap haiN

Aap ko Rabb ne kiya apna Habeeb  
Saari khilqat ka khulaasah Aap haiN

Aap ki khatir banaaye do jahaaN  
Apni khatir jo banaaya Aap haiN

JaaN tooi jaanaN qaraar-e-jaaN tooi  
Jaan-e-jaaN jaan-e-maseeha Aap haiN



Paykar-e-har shey meiN jaaN ban kar nihaaN  
PardoN pardoN meiN huwayda Aap haiN

Aap se khud Aap ka saail hooN maiN  
Jaan-e-jaaN meri tamanna Aap haiN

Aap ki tal'at ko dekha jaan di  
Qabr meiN pahoncha to dekha Aap haiN

Barr darat aamad gada bahr-e-sawaal  
Ho bhala AKHTAR ka daata Aap haiN

## 4. WAJH-E-NISHAT-E-ZINDAGI RAAHAT-E-JAAN TUM HI TO HO

Wajh-e-nishat-e-zindagi raahat-e-jaaN tum hi to ho  
Rooh-e-rawaan-e-zindagi jaan-e-jahaaN tum hi to ho

Tum jo na the to kuch na tha tum jo na ho to kuch na ho  
Jaan-e-jahaaN tum hi to ho jaan-e-jinaaN tum hi to ho

Taaj-e-waqaar-e-khaakiyaN nazish-e-'arsh-o-'arshiyaaN  
Fakhr-e-zameen-o-aasmaN fakhr-e-zamaaN tum hi to ho

Kis se karuN bayaan-e-gham koun sune fughaan-e-gham  
PaooN kahaN amaan-e-gham amn-o-amaaN tum hi to ho

Rooh-e-rawan-e-zindagi taab-o-tawaan-e-zindagi  
Amn-o-amaan-e-zindagi shah-e-shahaaN tum hi to ho

Tum ho charagh-e-zindagi tum ho jahaaN ki roshni  
Mehr-o-mah-o-nujoom meiN jalwah kunaaN tum hi to ho

Tum se jahaan-e-rang-o-boo tum ho chaman ki aabroo  
Jaan-e-bahaar-e-gulsitaaN sarw-e-chamaaN tum hi to ho

Tum ho qawaam-e-zindagi tum se hai zindagi bani  
Tum se kahe hai zindagi rooh-e-rawaaN tum hi to ho

Asl-e-shajar meiN ho tum hi nakhl-o-samar meiN ho tum hi  
Un meiN 'ayaaN tum hi to ho un meiN numaaN tum hi to ho

Tum ho numood-e-awwaliN sham'e abad bhi ho tum hi  
Shah-e-zaman yahaN wahaN sikkah nishaaN tum hi to ho

AKHTAR ki hai majaal kya mehshar meiN sab haiN dam bakhud  
Sab ki nazar tum hi pe hai sab ki zubaaN tum hi to ho

## 5. KAASH GUMBAD-E-KHAZRA DEKHNE KO MIL JAATA

Daagh-e-furqat-e-taybah qalb-o-muzmahil jaata  
Kaash gumbad-e-khazra dekhne ko mil jaata

Mera dam nikal jaata un ke aastaane par  
Un ke aastaane ki khaak meiN maiN mil jaata

Mere dil se dhul jaata daagh-e-furqat-e-taybah  
Taybah meiN fanaa ho kar taybah meiN hi mil jaata

Mout le ke aajati zindagi Madine meiN  
Mout se galey mil kar zindagi meiN mil jaata

Khuld-e-zaar-e-taybah ka is tarah safar hota  
Peeche peeche sar jaata aage aage dil jaata

Dil pe jab kiran paRti un key sabz gumbad ki  
Us ki sabz rangat se baagh ban key khil jaata

Furqat-e-madinah ne woh diye mujhe sadmey  
Koh par agar paRte koh bhi to hil jaata

Dil mera bichaa hota un ki rah guzaaroN meiN  
Un key naqsh-e-paa se yuN mil ke mustaqil jaata

Dil pe woh qadam rakhte naqsh-e-paa ye dil banta  
Ya to khaak paa ban kar paa se muttasil jaata

Woh khiraam farmaate mere deedah-o-dil par  
Deedah maiN fida karta sadqe mera dil jaata

Chashm-e-tar wahaaN behti dil ka mudda'a kehti  
Aah baa adab rehti munh mera sil jaata

Dar pe dil jhuka hota izn paa ke phir baRhta  
Har gunaah yaad aata dil khajil khajil jaata

Mere dil meiN bas jaata jalwah zaar-e-taybah ka  
Daagh-e-furqat-e-taybah phool ban ke khil jaata

Un ke dar pe AKHTAR ki hasrateN hueeN puri  
Saail-e-dar-e-aqdas kaise munfa'il jaata

## 6. SAB MADINE CHALEN

Tum chalo ham chaleN sab Madine chaleN  
Jaanib-e-taybah sab ke safeene chaleN

Maykasho! Aao aao Madine chaleN  
Baada-e-khuld ke jaam peene chaleN

Jee gaye woh Madine meiN jo mar gaye  
Aao ham bhi wahaN mar ke jeene chaleN

Zindagi ab sar-e-zindagi aagaee  
Aakhri waqt hay ab Madine chaleN

Shouq-e-taybah ne jis dam sahaara diya  
Chal diye ham kaha bekasi ne chaleN

Taaer-e-jaaN Madine ko jab uRh chala  
Zindagi se kaha zindagi ne chaleN

Jaan-e nou rah-e-janaaN meiN yuN mil gae  
Aankh neechi kaha bekhudi ne chaleN

Raah-e-taybah meiN jab naatawaaN rah gaye  
Dil ko khinchta kaha bekali ne chaleN

Khaak-e-taybah meiN apni jagah ho gae  
Khoob muzdaah sunaaya khushi ne chaleN

Betakalluf Shah-e-do jahaaN chal diye  
Saadgi se kaha jab kisi ne chaleN

Agle pichle sabhi khuld meiN chal diye  
Roz-e-mehshar kaha jab Nabi ne chaleN

Un ki shaan-e-karam ki kashish dekhna  
Kaasah le kar kaha khusrawee ne chaleN

AKHTAR-e-khasta bhi khuld meiN chal diya  
Jab sada di usey murshidi ne chaleN

## 7. WOH UBLA CHASHMAH SHARBAT KA

Lab-e-kausar hai melaa tishnaah kaamaan-e-mohabbat ka  
Woh ubla dast-e-saaqi se woh ubla chashmah sharbat ka

Ye 'aalam Ambiyaa par Un ke Sarwar ki 'Inayat ka  
Jisey dekho liye jaata hai parwaanah shafa'at ka

Pilaa dey apni nazroN se chalakta jaam ruyat ka  
Shah-e-kausar tarahem tishnah jaata hay zyarat ka

Wahi jo rahmatul-lil-'aalameeN haiN jaan-e-'aalam haiN  
BaRa bhai kahe un ko koi andha baseerat ka

Mah-o-khursheed-o-anjum meiN chamak apni nahiN kuch bhi  
Ujaala hai haqiqat meiN unhiN ki paak tal'at ka

Bhatakta yuN phire kab tak tumhara AKHTAR-e-khasta  
Dikha do raastah is ko khudaara shahr-e-ulfat ka



## 8. HAMEN AB DEKHNA HAY HOUSLAH KHURSHEED- E-MEHSHAR KA

Woh baRta saaya-e-rahmat chala zulf-e-mu'ambar ka  
HameiN ab dekhna hay houslah khursheed-e-mehshar ka

Jo be pardah nazar aajaye jalwah roo-e-anwar ka  
Zara sa munh nikal aaye abhi khursheed-e-khaawar ka

Shah-e-kausar taraahem tishna-e-deedar jaata hay  
Nazar ka jaam dey pardah rukh-e-pur noor se sar ka

Adab gaahest zer-e-aasmaaN az 'arsh naazuk tar  
YahaN aate haiN yuN 'arshi ke aawaazah nahiN par ka

Hamari samt woh mahr-e-madinah meherbaaN aaya  
Abhi khul jaye ga sab houslah khursheed-e-mehshar ka

Chamak sakta hai to chamkey maqabil un ki tal'at ke  
HameiN bhi dekhna hai houslah khursheed-e-mehshar ka

RawaaN ho salsabeel-e-'Ishq-e-sarwar mere seene meiN  
Naho phir naaz ka kuch gham na dar khursheed-e-mehshar ka

Teraa zarra woh hai jis ne khilay anginat taare  
Teraa qatrah woh hai jis se mila dhaara samandar ka

Bataana tha ke nechar un ke zeyr-e-paa musakhar hay  
Bana patthar meiN yuN naqsh-e-kaf-e-paa mere Sarwar ka

Woh zaahir ke bhi hakim haiN woh baatin ke bhi SultaaN haiN  
Niraala tour-e-sultani hai shaahoN ke sikandar ka

Ye sun leN saaya-e-jism-e-payambar dhoonRne waale  
Bashar ki shakl meiN deegar hai woh paykar payambar ka

Woh zill-e-zaat-e-rahmaaN haiN nubuwat ke mah-e-taabaaN  
Na zil ka zil kahiN dekha na saaya mah-o-AKHTAR ka

## 9. GHAM-E-HASTI NE HAMEIN KHOON RULAYA HOGA

Jab kabhi ham ne gham-e-jaanaN ko bhulaya hoga  
Gham-e-hasti ne hameiN khoon rulaya hoga

Daaman-e-dil jo soo-e-yaar khincha jaata hay  
Ho na ho us ne mujhe aaj bulaaya hoga

Aankh utha kar to dekh mere dil ki taraf  
Teri yaadoN ka chaman dil me sajaaya hoga

Gardish-e-dour hameiN cheRh na itna warna  
Apne naaloN se abhi hashr uthaaya hoga

Doob jaye na kahiN gham me hamare 'aalam  
Ham jo ro deN ge to behta huwa darya hoga

Sochiye kitna haseeN hoga wo lahza-e-AKHTAR  
Sar baaliN pe dam-e-margh wo aaya hoga

## 10. TERA AAQA SHAHENSHAH-E-KOUNAIN HAY

Har nazar kaanp uthegi mehshar ke din khouf se har kaleja dehel jaayega  
Par ye naaz unke bande ka dekheN ge sab thaam kar un ka daaman machal jaayega

Mouj katra ke hum se chali jaayegi rukh mukhaalif hawa ka badal jaayega  
Jab ishaarah kareN ge woh nakhuda apna beRha bhanwar se nikal jaayega

yuN to jeeta hooN hukm-e-khuda se magar mere dil ki hay un ko yaqeenan khabar  
haasil-e-zindagi hoga woh din mera un ke qadmoN pe jab dam nikal jaayega

Rab-e-sallim woh farmaane waale mile kyuN sataate haiN ay dil tujhey waswasey  
Pul se guzreN ge ham wajd karte hue koun kehta hay paooN phisal jaayega

AKHTAR-e-khasta kyuN itna bechain hai teraa Aaq shahenshah-e-kounain hay  
Lao laga to sahi shaah-e-laolaak se gham masarrat ke saanche meiN dhal jaayega

## 11. BASAD ADAB PAE TASLEEM SAR JHUKAAYE FALAK

Jhuke na baar-e-sad ahsaaN se kyuN binaaye falak  
Tumhare zarre ke par to sitarhaaye falak

Ye khaak-e-kucha-e-jaanaaN hai jis ke bosey ko  
Na jaane kab se tarastey haiN deedhaaye falak

‘Afu-o-’azmat-e-khaak-e-Madinah kya kahiye  
Usi turaab ke sadqe hay ‘aetedaaye falak

Ye un ke jalwe ki theeN garmiyaaN shab-e-asraa  
Na laaye taab-e-nazar behkey deedhaaye falak

Qadam se un ke sar-e-’arsh bijliyaaN chamkeeN  
Kabhi the band kabhi waa the deedhaaye falak

MaiN kam naseeb bhi teri gali ka kutta huN  
Nigaah-e-lutf idhar ho na yuN sataaye falak

Ye kis ke dar se phira hay tu najdi be deeN  
Bura ho teraa sar pe gir hi jaaye falak

Jo naam le Shah-e-’arsh-e-bareeN ka tu AKHTAR  
Basad adab pae tasleem sar jhukaaye falak

## 12. MUNAJAAT KI RAAT

Aaj ki raat ziyaaN ki hay baaraat ki raat  
Fazl-e-noushaah-e-do 'aalam ke bayanaat ki raat

Shab-e-me'raj woh aaohaa ke isharaat ki raat  
Koun samjhaye woh kaisi thi munajaat ki raat

Chaaee rehti haiN khayaaloN meiN tumhari zulfeN  
Koi mousam ho yahaN rehti hay barsaat ki raat

Rind peete haiN teri zulf ke saaye meiN sada  
Koi mousam ho yahaaN rehti hay barsaat ki raat

Rukh-e-taabaan-e-Nabi zulf-e-mu'ambar pe fida  
Roz-e- taabindah ye masti bhari barsaat ki raat

Dil ka har daagh chamakta hai qamar ki surat  
Kitni roshan hai rukh-e-shaah ke khayalaat ki raat

Har shab-e-hijr lagi rehti hay ashkoN ki jhaRhi  
Koi mousam ho yahaaN rehti hay barsaat ki raat

Jis ki tanhaayi meiN woh sham'e shabistaani ho  
Rashk-e-sad bazm hay us rind kharabaat ki raat

Bulbul-e-baagh-e-Madinah ko suna dey AKHTAR  
Aaj ki shab hai farishtoN se mubahaat ki raat

### 13. KABHI REHTE WOH IS GHAR MEIN

Talaatum hay ye kaisa aansuoN ka deedaah-e-tar meiN  
Ye kaisi moujeN aayi haiN tamanna ke samandar meiN

Hujoom-e-shouq kaisa intezaar-e-koo-e-dilbar meiN  
Dil-e-shayda samaata kyuN nahiN ab pehloo-o-bar meiN

Tajassus karwateN kyuN le raha hay qalb-e-muztar meiN  
Madinah saamne hay bas abhi pahoncha maiN dam bhar meiN

Ye behseiN ho rahi haiN mere dil meiN pehloo-o-bar meiN  
Ke dekheN koun pahonche aage aage shehr-e-dilbar meiN

Madine tak pahonch jaata kahaaN taaqat thi ye par meiN  
Ye Sarwar ka karam hay hay jo bulbul baagh-e-Sarwar meiN

Madine ki woh marg-e-jaanfiza gar hay muqaddar meiN  
Amar ho jayeN ge mar ke dayaar-e-rooh-e-parwar meiN

Jo tu ay taair-e-jaaN kaam leta kuch bhi himmat se  
Nazar ban kar pahonch jaate tajalli gaah-e-Sarwar meiN

Ujaale meiN gumey hote tajalli gaah-e-Sarwar key  
Nazar se chhup ke ham rehte tajalli gaah-e-Sarwar meiN

Na rakha mujh ko taybah ki qafas meiN us sitamgar ne  
Sitam kaisa huwa bulbul pe ye qayd-e-sitamgar meiN

Sitam se apne mit jaaoge tum khud ay sitamgaaro  
Suno ham keh rahe haiN be khatar dour-e-sitamgar meiN

GuzargaahoN meiN un ki maiN bichaata deedah-o-dil ko  
Qadam se naqsh bante mere dil meiN deedah-e-tar meiN

Banaate jalwah gaah-e-naaz mere deedah-o-dil ko  
Kabhi rehte woh is ghar meiN kabhi rehte woh us ghar meiN

Madine se raheN khud door is ko rokne waale  
Madine meiN khud AKHTAR hay Madina chashm-e-AKHTAR meiN



## 14. TERI CHOUKHAT PE JO SAR APNA JHUKA JAATE HAIN

Teri choukhat pe jo sar apna jhuka jaate haiN  
Har bulandi ko wahi neecha dikha jaate haiN

Sarfaraazi-e-ajal un ko mila karti hai  
Nakhwat-e-sar jo tere dar pe mita jaate haiN

Doobey rehte haiN teri yaad meiN jo sham-o-sahar  
DoobtoN ko wahi saahil se laga jaate haiN

Ay maseeha tere beemar haiN aise beemaar  
JahaaN bhar ka dukh dard mita jaate haiN

Marne waale rukh-e-zayba pe tere jaan-e-jahaaN  
'Aysh-e-jaawed ke asraar bataa jaate haiN

AasmaaN tujh se uthaaye na utheN ge sunn le  
Hijr ke sadme jo 'ushshaq utha jaate haiN

Zikr-e-Sarkar bhi kya aag hay jis se sunni  
Baithe baiythe dil-e-najdi ko jala jaate haiN

Jin ko sheerni-e-milad se ghin aati hai  
Aankh ke andhey unheN kawwa khila jaate haiN

Dasht-e-taybah meiN nahiN keel ka khatka AKHTAR  
Naazuk andaam wahaaN barhanaah paa jaate haiN

## 15. UN KE DAR KI BHEEK ACHCHI

Bul hawas sun seem-o-zar ki bandagi achchi nahiN  
Un ke dar ki bheek achchi sarwari achchi nahiN

Sarwari kya cheez hay un ki gadayi ke huzoor  
Un ke dar ki bheek achchi sarwari achchi nahiN

Un ki choukhat choom kar khud keh rahi hay sarwari  
Un ke dar ki bheek achchi sarwari achchi nahiN

Sarwari khud hay bhikaaran bandagaan-e-shah ki  
Un ke dar ki bheek achchi sarwari achchi nahiN

Sarwari paa kar bhi kehte haiN gadayaan-e-huzoor  
Un ke dar ki bheek achchi sarwari achchi nahiN

Taaj khud raa kaasah kardah guyad aeeN jaa taajwar  
Un ke dar ki bheek achchi sarwari achchi nahiN

Taaj ko kaasah bana kar tajwar kehte haiN yuN  
Un ke dar ki bheek achchi sarwari achchi nahiN

Mufti-e-'Aazam yakey az mardomaan-e-Mustafaa  
Us Raza-e-Mustafaa se dushmani achchi nahiN

Hujjat-ul-islam ay Haamid Raza baba-e-man  
Tum ko bin dekhe hamari zindagi achchi nahiN

Khaak-e-taybah ki talab meiN khaak ho ye zindagi  
Khaak-e-taybah achchi apni zindagi achchi nahiN

Aarzumandaan-e-gul kaantoN se bachtey haiN kahiN  
Khaar-e-taybah se teri pehlu tahi achchi nahiN

Dasht-e-taybah ke fidayi se jinaaN ka tazkirah  
Jo rula dey khoon aisi dil lagi achchi nahiN

Dasht-e-taybah choRh kar maiN saiyr-e-jannat ko chaluN  
Rehne dijiye shaykh ji deewangi achchi nahiN

Jo junoon-e-khuld meiN kawwoN ko dey baithe dharam  
Aise andhey shaykh ji ki payrwi achchi nahiN

Aql chaupaayoN ko dey baithe hakeem-e-thaanwi  
MaiN na kehta tha ke sohbat deo ki achchi nahiN

Yaad-e-jaanaN meiN ma'az Allah hasti ki khabar  
Yaad-e-jaanaN meiN kisi se aagahi achchi nahiN

Shaam-e-hijraaN meiN hameiN hay justuju us mehar ki  
ChaudhweeN ke chaand teri chaandni achchi nahiN

Touq-e-tehzeeb-e-firangi toRh daalo momino!  
Teergi anjaam hay ye roshni achchi nahiN

Shaakh-e-gul par hi banaeN ge 'anadil aashiyaaN  
Barq se keh do ke ham se zid teri achchi nahiN

Jo piya ko bhaaye AKHTAR woh suhaana raag hay  
Jis se na khush hoN piya woh raagni achchi nahiN

## 16. KUCH KAREIN APNE YAAR KI BAATEIN

Kuch kareN apne yaar ki baateiN  
Kuch dil-e-daaghdar ki baateiN

Ham toh dil apna dey hi baithe haiN  
Ab ye kya ikhtiyar ki baateiN

MaiN bhi guzra hooN dour-e-ulfat se  
Mat suna mujh ko pyaar ki baateiN

Ahl-e-dil hi yahaaN nahiN koi  
Kya kareN haal-e-zaar ki baateiN

Pee ke jaam-e-mohabbat-e-jaanaN  
Allah Allah khumar ki baateiN

Mar na jaana mat`a-e-dunya par  
Sun ke tu maaldar ki baateiN

YuN na hote aseer-e-zillat tum  
Sunte gar hoshiyaar ki baateiN

Har ghaRhi wajd meiN rahey AKHTAR  
Kijiye us dayaar ki baateiN

## 17. JO UN KI TARAF MERI CHASHM-E-ILTEFAAT NAHIN

Jo un ki taraf meri chashm-e-iltefaat nahiN  
Koi ye un se kahe chain saari raat nahiN

Bajuz nigaah-e-karam ke to kuch nahiN maanga  
Bigadte kyuN ho bigadne ki koi baat nahiN

Bohat haiN jeene ke andaaz par mere hamdam  
Mazaah na ho jo khudi ka to kuch hayaat nahiN

Bawaqt-e-naz'a yaaN lalcha ke dekhta kya hay  
Ye daar-e-faani hai raahi isey sabaat nahiN

Utha jo AKHTAR-e-khasta jahaaN se kya gham hay  
Mujhe batao 'azeezoN! Kisey mamaat nahiN

## 18. QASAM KHUDA KI SHAHA KAAMIYAAB HO JAAUN

Tumhare dar pe jo maiN baariyaab ho jaauN  
Qasam khuda ki Shaha kamiyaab ho jaauN

Jo paauN bosaah-e-paa-e-Huzoor kya kehna  
MaiN zarrah shams-o-qamar ka jawaab ho jaauN

Meri haqiqat-e-faani bhi kuch haqiqat hay  
MaruN to aaj khayal aor khwaab ho jaauN

JahaaN ke qaos-e-qazaah se farayb khaaye kyuN  
MaiN apne qalb-o-nazar ka hijaab ho jaauN

JahaaN ki bigdi usi aastaaN pe banti hay  
MaiN kyuN na waqf-e-dar aaNjanab ho jaauN

Tumhara naam liya hai talaatum-e-gham meiN  
MaiN ab to paar risaalat ma'aab ho jaauN

Ye meri doori badal jaaye qurb se AKHTAR  
Agar woh chaahen to maiN baariyaab ho jaauN

## 19. LAB-E-JAAN BAKHSH KA SADQA DEY DO

Lab-e-jaaN bakhsh ka ay jaaN mujhe sadqa dey do  
Muzdah-e-'aysh-e-abad jaan-e-masihaah dey do

Gham-e-hasti ka madaawa mere Maulaa dey do  
Baadah-e-khaas ka aik jaam chalakta dey do

Garq hoti huwi naao ko sahara dey do  
Mouj tham jaye khudaara ye ishaara dey do

Ham gunahgaar sahi Hazrat-e-RizwaaN laykin  
Un ke bandey haiN jinaaN haq hai hamara dey do

Tapish-e-meher-e-qayaamat ko seheiN ham kaise  
Apne damaan-e-karam ka hameiN saaya dey do

Bhool jaaye jisey pee kar gham-e-douraaN AKHTAR  
Saaqi-e-kausar-o-tasneem woh sahbaa dey do

## 20. APNE DAR PE JO BULAAO TO BOHAT ACHCHA HO

Apne dar pe jo bulaaao to bohat achcha ho  
Meri bigdi jo banaao to bohat achcha ho

Qayd-e-shaitaaN se chuRhao to bohat achcha ho  
Mujh ko apna jo banaao to bohat achcha ho

Gardish-e-dour ne paamaal kiya mujh ko Huzoor  
Apne qadmoN meiN sulaaao to bohat achcha ho

YuN to kehlaata huN bandaah maiN tumhara laykin  
Apna keh ke jo bulaaao to bohat achcha ho

Gham-e-payham se ye basti meri veeran huwi  
Dil meiN ab khud ko basaaao to bohat achcha ho

Kayf us baadah-e-gulnaar se milta hi nahiN  
Apni aankhoN se pilaaao to bohat achcha ho

Tum to murdoN ko jilaa dete ho mere Aaqa  
Mere dil ko bhi jilaaao to bohat achcha ho

Jis ne sharmindaah kiya mahr-o-mah-o-anjum ko  
Aik jhalak phir woh dikhaao to bohat achcha ho

Ro chukaa yuN to maiN auroN ke liye khoob magar  
Apni ulfat meiN rulaaao to bohat achcha ho

YuN na AKHTAR ko phiraaao mere Maulaa dar dar  
Apni choukhat pe bithaaao to bohat achcha ho

## 21. DAR-E-JAANAN PE FIDAAYI KO AJAL AAYI HO

Dar-e-jaanaN pe fidayi ko ajal aayi ho  
Zindagi aake janaazey pe tamaashayi ho

Teri surat jo tasawwur meiN utar aayi ho  
Phir to khalwat meiN ‘ajab anjuman aarayi ho



Nek saa'at se ajal 'aysh-e-abad laayi ho  
Dar-e-jaanaN pe koi mahw-e-jabeeN saayi ho

Sang-e-dar par tere yuN naseyah farsaayi ho  
Khud ko bhoola huwa jaana tera shaydayi ho

Khud bakhud khuld wahaaN khinch ke chali aayi ho  
Dasht-e-taybah meiN jahaaN baadeyaah-e-paymayi ho

Mousam-e-maey ho woh gesoo ki ghata chaayi ho  
Chashm-e-maygooN se piyeN jalsa-e-sahbaayi ho

Chandni raat meiN phir maey ka woh aik dour chaley  
Bazm-e-aflak ko bhi hasrat-e-maey aayi ho

Un ke deewaane khuli baat kahaaN kartey haiN  
Baat samjhey wahi jo saahib-e-daanaayi ho

Mahr-e-khaawar pe jamaaye nahiN jamti nazreiN  
Woh agar jalwah karen koun tamaashayi ho

Dasht-e-taybah meiN chaluN chalke girooN gir ke chaluN  
Naatawaani meri sad rashk-e-tawaanaayi ho

Gul ho jab AKHTAR-e-khasta ka charagh-e-hasti  
Is ki aankhoN meiN tera jalwah-e-zaybaayi ho

## 22. ZAHEY 'AZMAT-O-IFTEKHAAR-E-MADINAH

Woh chaayi ghata baadah baar-e-madinah  
Piye jhoom kar jaaN nisaar-e-madinah

Woh chamkaa woh chamkaa minaar-e-madinah  
Khareeb aaraha hay dayaar-e-madinah

Naha leN gunaah gaar abr-e-karam meiN  
Uthaa dekhiye woh ghubaar-e-madinah

Khuda yaad farmaaye sougand-e-taybah  
Zahey 'azmat-o-iftekhaar-e-madinah

Agar dekhey RizwaaN chaman zaar-e-taybah  
Kahey dekh kar yuN woh khaar-e-madinah

Madine ke kaantey bhi sad rashk-e-gul hay  
'Ajab rang par hay bahaar-e-madinah

NahiN jachti jannat bhi nazroN meiN un ki  
JinheN bha gaya khaar-e-zaar-e-madinah

Meri jaan se bhi woh nazdeek tar haiN  
Woh Maulaayi har be qaraar-e-madinah

KaruN kya fikr maiN gham-e-zindagi ki  
MaiN huN bandah-e-gham gusaar-e-madinah

Chala dour-e-saaghar maey naab chalki  
Rahey tishnah kyuN baadah khwaar-e-madinah

Chala koun khushboo lutaata ke ab tak  
Hai mehki huwi rah guzaar-e-madinah

Sahar din hai aor sham-e-taybah sahar hay  
Anokhey haiN layl-o-nahaar-e-madinah

Bulaa AKHTAR-e-khasta haal ko bhi dar par  
MaiN sadqe tere shehr-e-yaar-e-madinah

## 23. NAARA-E-RISAALAT

Sadr-e-bazm-e-kasrat Yaa Rasool Allah  
Raaz daar-e-wahdat Yaa Rasool Allah  
Har jahaN ki rahmat Yaa Rasool Allah  
Bahtareen khilqat Yaa Rasool Allah

Naara-e-risaalat Yaa Rasool Allah

Mahw-e-khwaab-e-ghaflat Yaa Rasool Allah  
Hogayi ummat Yaa Rasool Allah  
Soya bakht-e-millat Yaa Rasool Allah  
Kijiye 'Inaayat Yaa Rasool Allah

Naara-e-risaalat Yaa Rasool Allah

Sahib-e-hidaayat Yaa Rasool Allah  
Chaaya abr-e-zulmat Yaa Rasool Allah  
NaatawaaN hay ummat Yaa Rasool Allah  
Kijiye himaayat Yaa Rasool Allah

Naara-e-risaalat Yaa Rasool Allah

Dar pay sharaarat Ya Rasool Allah  
Kufr ki jama'at Yaa Rasool Allah  
NaatawaaN hai ummat Yaa Rasool Allah  
Kijiye himaayat Ya Rasool Allah

Naara-e-risaalat Yaa Rasool Allah

Maalik-e-shafa'at Yaa Rasool Allah  
BekasoN ki taaqat Yaa Rasool Allah  
Mezbaan-e-ummat Yaa Rasool Allah  
Aek jaam-e-sharbat Yaa Rasool Allah

Naara-e-risaalat Yaa Rasool Allah

Aap ki ataa'at Yaa Rasool Allah  
Woh khuda ki taa'at Yaa Rasool Allah  
Jis ko ho baseerat Yaa Rasool Allah  
Dekho shaan-e-qurbat Yaa Rasool Allah

Naara-e-risaalat Yaa Rasool Allah

Deed ke hoN taalib jab Khuda se Moosaa  
Un se lan taraani keh dey Rabb tumhara  
Par tumhare Rabb se tum ko mere Moulaa  
Hay payaam-e-waslat Yaa Rasool Allah

Naara-e-risaalat Yaa Rasool Allah

Karna tha Khuda ko ham pe aashkara  
Aakhri Nabi hai usko sabse pyaara  
Koi bhi Nabi ho pichli ummatoN ka  
Tum ko sab pe sabqat Yaa Rasool Allah

Naara-e-risaalat Yaa Rasool Allah

Tum ko jo bataye apne jaisa insaaN  
Kour-e-chashm hay woh do jahaaN ke sultaaN  
Dev ka hai bandah woh 'adoo-e-rahmaaN  
Jis ko tum se nafrat Yaa Rasool Allah

Naara-e-risaalat Yaa Rasool Allah

Tum ho noor-e-yazdaaN sham'a-e-bazm-e-imkaaN  
Tum ho wajh-e-har shaey dahar ki rag-e-jaaN  
Tum se koh-o-sahraa tum se ye gulistaaN  
Tum baqaae khilqat Yaa Rasool Allah

Naara-e-risaalat Yaa Rasool Allah

Deher meiN hay kya shaey tum se jo nihaaN hay  
Tum par haal-e-AKHTAR bilyaqeeN 'ayaaN  
Bas meri khamoshi hi meri zubaaN hay  
KyaN karuN shikayat Yaa Rasool Allah

Naara-e-risaalat Yaa Rasool Allah

## 24. DOOR AY DIL RAHEN MADINE SE

Door ay dil raheN Madine se  
Maot behtar hay aise jeene se

Un se mera salaam keh dena  
Jaa ke tu ay saba qareene se

Har gul-e-gulsitaaN mua'ttar hay  
Jaan-e-gulzar ke paseene se

YuN chamakte haiN zarre taybah ke  
Jaise bikhre huwe nageene se

Zikr-e-sarkaar karte haiN momin  
Koi mar jaye jal ke keene se

Bargaah-e-khuda meiN kya pahonche  
Gir gaya jo Nabi ke zeene se

Pijiye chashm-e-naaz se un ki  
MaykashoN ka bhala hai peene se

Us tajalli ke saamne AKHTAR  
Gul ko aane lage paseene se

## 25. SABA YE KAISI CHALI AAJ DASHT-E-BATHAA SE

Saba ye kaisi chali aaj dasht-e-bathaa se  
Umang shouq ki uthi hay qalb-e-murdah se

Na baat mujh se gul-e-khuld ki kar ay zaahid  
Ke mera dil hay nigaar khaar-e-zaar-e-taybah se

Ye baat mujh se mere dil ki keh gaya zaahid  
Bahaar-e-khuld-e-bareeN hay bahaar-e-taybah se

Ye kis ke dam se mili hai jahaaN ko taabaani  
Mah-o-nujoom haiN roshan minar-e-taybah se

FidaeeyoN ko ye zid kya ke pardah uth jaaye  
Hazaar jalwey numaayaaN hijaab-e-Aaqa se

Jo hai mareez-e-mohabbat yahaaN chaley aaeN  
Sadaa ye aati hai sunn lo mazaar-e-Maulaa se

Kinaara ho gaya paida usi jagah fouran  
Kabhi jo ham ne pukaara meyaan-e-daryaa se

Na faiz-e-raah-e-mohabbat meiN tu ne kuch paaya  
Kinaara kyuN nahiN karta tu ahl-e-dunya se

Pas-e-mamaat na badnaam ho tera AKHTAR  
Ilaahi is ko bachaa lena taa'an-e-'aadaa se

## 26. SADQEY JAAUN MAIN ANEES-E-SHAB-E-TANHAAYI KEY

Meri khalwat meiN mazey anjuman aaraayi key  
Sadqe jaauN maiN anees-e-shab-e-tanhaayi key

Un ke sadqey meiN milaa moul anokha mujh ko  
Ho gaye dono jahaaN Aap ke shaydaayi key

Sar hai sajdey meiN khayaal-e-rukhe-jaanaN dil meiN  
Ham ko aatey haiN mazey naaseyah farsaayi key

Sajdah be ulfat-e-Sarkar 'abas ay najdi  
Mohr-e-la'anat haiN ye sab daagh jabeeN saayi key

Dasht-e-taybah meiN gumaa dey mujhe ay josh-e-junooN  
Khoob leney dey mazey baadiyah paymaayi key

Woh rag-e-jaan-e-do 'aalam haiN baRhey bhai nahiN  
HaiN ye sab phandey burey tere barhey bhai key

MaiN toh huN bulbul-e-bustaan-e-Madinah AKHTAR  
Housley mujh ko nahiN qaafiyah aaraayi key

## 27. MADINAH AANE WAALA HAY

Sambhal jaa ay dil-e-muztar Madinah aane waala hay  
Lutaa ay chashm-e-tar gouhar Madinah aane waala hay

Qadam ban jaaye mera sar Madinah aaney waala hay  
BichuN rah meiN nazar ban kar Madinah aaney waala hay

Jo dekhe un ka naqsh-e-paa Khuda se woh nazar maanguN  
Charaagh-e-dil chaluN le kar Madinah aaney waala hay

Karam un ka chala yuN dil se kehta raah-e-taybah meiN  
Dil-e-muztar tasalli kar Madinah aaney waala hay

Nichaawar haiN Madiney ki ye mera dil meri aankheiN  
Nichaawar huN Madiney par Madinah aaney waala hay

Ilaahi maiN talab gaar-e-fanaa huN khaak-e-taybah meiN  
Ilaahi kar nisaar-e-dar Madinah aaney waala hay

Madiney ko chala maiN be niyaaz-e-rehbar-e-manzil  
Rah-e-taybah hai khud rehbar Madinah aaney waala hay

Mujhey khinchey liye jaata hay shouq-e-koocha-e-jaanaN  
Khincha jaata huN maiN yaksar Madinah aaney waala hay

Woh chamka gumbad-e-khazraa woh shehr-e-pur ziyaa aaya  
Dhaley ab noor meiN paykar Madinah aaney waala hay

JahaaN se be khabar ho kar chalo khuld-e-Madinah meiN  
Chalo ab hosh ki pee kar Madinah aaney waala hay

Madiney meiN khuley baab-e-hayaat-e-nao ba tarz-e-nao  
Badal daalo kuhan daftar Madinah aaney waala hay

Zara ay markab-e-'umr-e-rawaaN chal barq ki surat  
Dikhaa parwaaz ke jouhar Madinah aaney waala hay

Talab gaar-e-Madinah tak Madinah khud hi aajaaye  
Tu dunya se kinaarah kar Madinah aaney waala hay



Madinah aagaya ab deyr kya hay sirf itni si  
Tu khaali kar ye dil ka ghar Madinah aaney waala hay

Falak shayad zameeN par rah gaya khaak-e-guzar ban kar  
Bichey haiN raah meN AKHTAR Madinah aaney waala hay

FizaaeN mehki mehki haiN hawaaeN bheeni bheeni haiN  
Basi hai kaisi mushk-e-tar Madinah aaney waala hay

Qamar aaya hai shayad un ke talwoN ki ziyaa lene  
Bichaa hai chaand ka bistar Madinah aaney waala hay

MUHAMMAD ke gadaa kuch farsh waaley hi nahiN dekho  
Woh aata hai Shah-e-khaawar Madinah aaney waala hay

Ghubaar-e-raah-e-anwar kis qadar pur noor hai AKHTAR  
Tani hai noor ki chaadar Madinah aaney waala hay

## 28. BAADAH-E-'ISHQ-E-MUSTAFAA

Pee ke jo mast ho gaya baadah-e-'Ishq-e-Mustafaa  
Us ki khudaayi ho gayi aor woh Khuda ka ho gaya

Keh diya Qaasim-un-anaa donoN jahaaN ke Shaah ne  
Ya'ani dar-e-Huzoor pe bat'ti hai n'emat-e-Khudaa

'Arsa-e-hashr meN khuli un ki woh zulf-e-'ambareeN  
Beenah woh jhoom kar giraa chaayi woh dekhiye ghata

Gardish-e-chashm-e-naaz meiN sadqey tere ye keh to dey  
Le chalo is ko khuld meiN ye to hamara ho gaya

## 29. SARKAR-E-DO 'AALAM KI MOHABBAT

NihaaN jis dil meN Sarkar-e-do 'aalam ki mohabbat hay  
Woh khalwat khana-e-maulaa hay woh dil rashk-e-jannat hay

Khalaaiq par huwi roshan azal se ye haqiqat hay  
Do 'aalam meiN tumhari saltanat hay baadshahat hay

Khudaa ne yaad farmaayi qasam khaak-e-kaf-e-paa ki  
Huwa m'loom taybah ki do 'aalam par fazilat hay

Siwaaye mere Aaqaa ke sabhi ke rishtey hay faani  
Woh qismat ka sikandar hai jisey Aaqaa se nisbat hay

Yehi kehti hay rindoN se nigah-e-mast saaqi ki  
Dar-e-maykhaanah waa hay maykashoN ki 'aam d'aawat hay

Gham-e-Shaah-e-danaa meiN marney waale tera kya kehna  
Tujhe laa tahzanoo ki tere maulaa se bashaarat hay

Uthey shour-e-mubarakbaad un se jaa milaa AKHTAR  
Gham-e-jaanaN meiN kis darjah haseeN anjaam-e-furqat hay

### 30. MAST MAY ALAST

Mast may alast hay woh baadshaah-e-waqt hay  
Bandaah-e-dar jo hai tera woh be niyaaz bakht hay

Salley 'alaa Muhammadin Salley 'ala Muhammadin

Un ki gadaayi ke tufayl ham ko mili sikandari  
Rang ye laayi bandagi aouj pe apna bakht hay

Salley 'alaa Muhammadin Salley 'ala Muhammadin

Gardish-e-dour Yaa Nabi weeran dil ko kar gayi  
Taab na mujh meiN ab rahi dil mera lakht lakht hay

Salley 'ala Muhammadin Salley 'ala Muhammadin

Ghuncha-e-dil khilaaie jalwah-e-rukh dikhaaiye  
Jaam-e-nazar pilaaie tishnagi mujh ko sakht hay

Salley 'ala Muhammadin Salley 'ala Muhammadin

AKHTAR-e-khasta taybah ko sab chaley tum bhi ab chalo  
Jazb se dil key kaam lo utho key waqt-e-raft hay

Salley 'ala Muhammadin Salley 'ala Muhammadin

### 31. JAAN-E-BAHAARAAN

Shahenshaah-e-do 'aalam ka karam hay  
Mere dil ko mayassar un ka gham hay

YahiN rehte haiN woh jaan-e-bahaaraaN  
Ye dunya dil ki rashk-e-sad iram hay

Bhala daawey haiN un se hamsari key  
Sar-e-'arsh-e-bareeN jin ka qadam hay

Ye darbaar-e-Nabi hai jiskey aagey  
Na jaane 'arsh-e-'aazam kab se kham hay

Taras khaao meri tishnah labi par  
Meri pyaas aor ik jaam! Kam hay

Dil-e-betaab ko behlaauN kaise  
Badhegi aor betaabi sitam hay

YahaN khaabu meiN rakh dil ko AKHTAR  
Ye darbaar-e-Shaah-e-umam hay

## 32. TAARON KI ANJUMAN MEIN YE BAAT HO RAHI HAY

TaaroN ki anjuman meiN ye baat ho rahi hay  
Markaz tajalliyoN ka khaak-e-dar-e-Nabi hay

Zarre ye keh rahey haiN us noor ke qadam se  
Ye aab-o-taab le kar ham ne jahaaN ko di hay

Yakta haiN jis tarah woh hay un ka gham bhi yakta  
Khush huN ke mujh ko doulat anmol mil gayi hay

Phir kyuN kahuN pareeshaaN ho kar baqoul shakhsey  
Yakta ke gham meiN ab bhi be kayf zindagi hay

### 33. AEK BIJLEE CHAMAK RAHI HAY

Wohi tabassum wahi tarannum wahi nazaakat wahi lataafat  
Wohi haiN duz deedah si nigaahen key jis se shoukhi tapak rahi hay

Gulon ki khushboo mehek rahi hay dilon ki kaliyaN chatak rahi haiN  
Nigaahen uth uth key jhuk rahi haiN key aek bijli chamak rahi hay

Ye mujh se kehti hay dil ki dhaRhkan key dast-e-saaqi se jaam le le  
Woh dour saaghar ka chal raha hay sharaab-e-rangeen chalak rahi hay

Ye maine maana haseen-o-dilkash samaaN ye masti bhara hay leykin  
Khushi mein haayl hai fikr-e-fardaa mujhe ye masti khatak rahi hay

Na jaane kitne fareyb khaaye raah-e-ulfat mein ham ne AKHTAR  
Par apni mat ko bhi kya karen ham fareyb kha kar behak rahi hay

### 34. AY NASEEM-E-KOO-E-JAANAN

Tere daaman-e-karam meiN jisey neend aagayi hay  
Jo fanaa na hoga aisi usey zindagi mili hay

Mujhey kya padi kisi se karuN 'arz mudda'a maiN  
Meri lou to bas unhiN ke dar-e-jood se lagi hay

Woh jahaan bhar ke daata mujhe pheyr deN ge khaali  
Meri tauba ay khuda! Ye mere nafs ki badi hay

Jo pa-e-sawaal aaye mujhe dekh kar ye bole  
Isey chain se sulaa ke ye bandah-e-Nabi hay

MaiN maruN to mere Maulaa ye malaayka se keh deN  
Koi is ko mat jagaana abhi aankh lag gayi hay

MaiN gunaahgaar huN aor bah martaboN ki khwaahish  
Tu magar kareem hai khu teri bandah parwari hay

Teri yaad thapki dey kar mujhe ab Shahaa sulaa dey  
Mujhe jaagtey huwe yuN bahi deyr hogayi hay

Ay naseem-e-koo-e-jaanaaN zara soo-e-bad naseebaaN  
Chali aa khuli hay tujh pe jo hamaari bekasi hay

Tera dil shikastah AKHTAR isi intezaar meiN hay  
Ke abhi naweed-e-waslat tere dar se aa rahi hay



### 35. FURQAT-E-TAYBAH KI WAHSHAT DIL SE JAAYE KHAIR SE

Furqat-e-taybah ki wahshat dil se jaaye khayr se  
MaiN Madine ko chaluN woh din phir aaye khayr se

Dil meiN hasrat koi baaqi reh na jaaye khayr se  
Raah-e-taybah meiN mujhe yuN maut aaye khayr se

Mere din phir jaayeN Ya Rabb! Shab woh aaye khayr se  
Dil meiN jab maah-e-Madinah ghar banaaye khayr se

Raat meri din bane un ki liqaa-e-khayr se  
Qabr meiN jab un ki tal'at jagmagaaye khayr se

HaiN ghanee ke dar pe ham bistar jamaaye khayr se  
Khayr ke taalib kahaan jaayeN ge jaa-e-khayr se

Woh khiraam-e-naaz farmaayeN jo paaey khayr se  
Kya bayaaN woh zindagi ho dil jo paaey khayr se

Mar ke bhi dil se na jaaye ulfat-e-baagh-e-Nabi  
Khuld meiN bhi baagh-e-jaanaaN yaad aaye khayr se

Ranj-o-gham huN be nishaaN aaye bahaar-e-bekhizaaN  
Mere dil meiN baagh-e-jaanaaN ki hawaa-e-khayr se

Is taraf bhi do qadam jalwey khiraam-e-naaz key  
Rah guzar meiN ham bhi haiN aankheN bichaaye khayr se

Intezaar un se kahe hay bazubaan-e-chashm-e-nam  
Kab Madinah maiN chaluN kab tu bulaaye khayr se

Shaam-e-tanhaayi bane rashk-e-hazaaraaN anjuman  
Yaad-e-jaanaaN dil meiN yuN dhoomeN machaaye khayr se

Furqat-e-taybah key haathoN jeete ji murdah huwe  
Maut Yaa Rabb ham ko taybah meiN jilaaye khayr se

Ho mujhe saeyr-e-gulsitaan-e-Madinah yuN naseeb  
MaiN bahaaroN meiN chaluN khud ko gumaaye khayr se

Zindaah baad ay aarzoo-e-baagh-e-taybah zindaah baad  
Tere dam se haiN zamaaney key sataaye khayr se

NajdiyoN ki cheerah dasti Yaa Ilaahi! Taabakey  
Ye balaa-e-najdiyah taybah se jaaye khayr se

Jhaank lo aankhoN meiN un ki hasrat-e-taybah liye  
Zaayr-e-taybah ziyaa-e-taybah laaye khayr se

Hay ye taybah ka payaam-e-taalib-e-'aysh-e-dawaam  
Jannat-e-taybah meiN aa hasti mitaaye khayr se

Sang-e-dar se aa miley taybah meiN ab to jaa mile  
Aagaye dar pe tire tere bulaaye khayr se

Gosh bar aawaaz huN qudsi bhi us key geet par  
Baagh-e-taybah meiN jab AKHTAR gungunaaye khayr se

### 36. SAAMAAN-E-'ISHRAT KIIYE

Apne rindon ki ziyaafat kiiye  
Jaam-e-nazzaarah 'Inaayat kiiye

Saaqi-e-kausar duhaayi Aap ki  
Sokhtaa jaanon pe rehmat kiiye

Diiye meri mohabbat ko hawaa  
Is taraf chashm-e-mohabbat kiiye

Qayd-e-gham mein khush rahun main 'umr bhar  
Yun giraftaar-e-mohabbat kiiye

Khud ko bhoolun Aap ki ulfat mein main  
Mujh ko yun madhosh-e-ulfat kiiye

Kiiye apna mehez apnaa mujhe  
Qat'aa meri sab se nisbat kiiye

Daf'aa ho taybah se ye najdi balaa  
Yaa RasoolAllah ﷺ 'ajlat kiiye

Maang liye khaak-e-taybah mein jagah  
Khaak mein saamaan-e-'Ishrat kiiye

Un pe marna hay dawaam-e-zindagi  
Maut se phir kyun na ulfat kiiye

Jaan lene aaye woh jaan-e-jahaan  
Maut se phir kaise nafarat kiiye

Zindagi hay sadd-e-raah-e-doustaan  
Kis liye jeeney ki hasrat kiiye

Un pe mar jaane ki rakhiye aarzoo  
Yun sada jeene ki soorat kiiye

Zulmaton mein roshni ke waastey  
Daagh-e-seenah ki hifazat kiiye

Aatish-e-dozakh bujhaaney ke liye  
Tez tar naar-e-mohabbat kijiye

Tez kijiye seenah-e-najdi ki aag  
Zikr-e-aayaat-e-wilaadat kijiye

Kijiye yaad-e-khitaam-ul-ambiyaa  
Khatm yuN har ranj-o-kulfat kijiye

Taey ho naam-e-paak par meri kitaab  
Ye karam khatm-e-risaalat kijiye

Jadda bi wasli daaymi Ya Sayyedi  
Khatm ab ye dour-e-furqat kijiye

Intezaar-e-jaan-e-jaaN hai jaan ko  
Yaa RasoolAllah ki kasrat kijiye

DeN ge woh khud hi mohabbat ka silaa  
Marte dam un ki ziyaarat kijiye

Thandey thandey khushbuoN meiN bas chaleN  
Yaad gesoo waqt-e-rehlat kijiye

Ghaus-e-'Aazam Aap se fariyaad hay  
Dastageeri mere hazrat kijiye

Rehlat-e-AKHTAR ka hangaam aa gaya  
Saaya-e-rahmat meiN ruksat kijiye

### 37. BAHAAAR-E-BE KHIZAAN

Hamaare baagh-e-armaaN meiN bahaar-e-bekhizaaN aaye  
Kabhi jo is taraf khandaan woh jaan-e-gulsitaaN aaye

Woh jaan-e-Yousuf aajaaye agar mere tasawwur meiN  
Khuda rakhe wahiN khinch kar bahaar-e-do jahaaN aaye

Koi dekhey meri aankhoN se ye 'ayzaaz Aaq ka  
Salaami ko dar-e-hazrat pe Shaah-e-qudsiyaaN aaye

Jamaal-e-roo-e-jaanaN dekh luN kuch aisa saamaaN ho  
Kabhi to bazm-e-dil meiN Yaa Khuda! Aaraam-e-jaaN aaye

Ilaahi! Apni sattaari ka tujh ko waastah sunn ley  
Sar-e-mehshar na bandey ka gunaah koi 'ayaaN aaye

Karam se is kameene ki bhi Maulaa laaj rakh lenaa  
Tera AKHTAR tere saaye meiN Shaah-e-do jahaaN aaye

### 38. FARISHTEY JIS KE ZAAIR HAIN

Farishtey jis ke zaair haiN Madine meiN woh turbat hay  
Ye woh turbat hay jis ko 'arsh-e-'aazam par fazeelat hay

Bhala dasht-e-Madinah se chaman ko koi nisbat hay  
Madinah ki fazaa rashk-e-bahaar-e-baagh-e-jannat hay

Madinah gar salaamat hay to phir sab kuch salaamat hay  
Khudaa rakhe Madine ko usi ka dam ghaneemat hay

Madinah aisa gulshan hay jo har gulshan ki zeenat hay  
Bahaar-e-baagh-e-jannat bhi Madine ki badoulat hay

Madinah choRh kar sayr-e-jinaaN ki kya zaroorat hay  
Ye jannat se bhi behtar hay ye jeete jee ki jannat hay

HameiN kya haq ta'ala ko Madine se mohabbat hay  
Madinah se mohabbat un se ulfat ki 'alaamat hay

Gadaa gar hay jo us ghar ka wahi sultaan-e-qismat hay  
Gadaayi us dar-e-waala ki rashk-e-baadshaahat hay

Jo mustaghni huwa un se muqaddar us ka khaybat hay  
Khaleel ullah ko hangaam-e-mehshar un ki haajat hay

Ilaahi! Woh Madinah kaisi basti hai dikhaa dena  
jahaaN rehmat barasti hay jahaaN rehmat hi rehmat hay

Madinah choRh kar jannat ki khushboo mil nahiN sakti  
Madinah se mohabbat hay to jannat ki zamaanat hay

ZameeN par woh MUHAMMAD ﷺ haiN woh AHMAD ﷺ aasmaanoN meiN  
YahaaN bhi un ka charchaa hay wahaaN bhi un ki midhat hay

YahaaN bhi un ki chalti hay wahaaN bhi un ki chalti hay  
Madinah raajdhani hay do 'aalam par hukumat hay

Ghazab hi kardiya AKHTAR Madine se chaley aaye  
Ye woh jannat hai jis ki 'arsh waaloN ko bhi hasrat hay

Madinah choRh kar AKHTAR bhala kyuN jaaye jannat ko  
Ye jannat kya har ik n'eymat Madine ki badaulat hay

### 39. SHAMEEM-E-ZULF-E-NABI ﷺ

Shameem-e-zulf-e-Nabi laa saba Madine se  
Mareez-e-hijr ko laa kar soonghaa Madine se

Ye aa rahi hai mere dil ki sadaa Madine se  
Har ik dukh ki mile gi dawaa Madine se

Madinah kehta hai ham dam na jaa Madine se  
Tujhe hay 'aysh-e-abad ki salaa Madine se

Naseem-e-mast chaley dilrubaa Madine se  
Bahaar-e-dil meiN basey dil kushaa Madine se

Naseem-e-mast chaley dilrubaa Madine se  
Bahaar-o-baagh baney dil mera Madine se

Uthaa! Baadah kasho! Saaghar-e-sharaab kuhan  
Woh dekho jhoom ke aayi ghataa Madine se

Madinah jaan-o-jinaan-e-jahaaN hai woh sunn leN  
JinheN junoon-e-jinaaN ley chala Madine se

Fizaa-e-deher ko gheyraa hai jis ki moujoN ne  
Woh seyl-e-noor-e-MUHAMMAD ﷺ chala Madiney se

JahaaN bhar ke sikhaaney ko khusrawi ke usool  
Ghubaar-e-khaak-e-nasheenaaN utha Madine se

Teye karam key maiN qurbaaN ye hukm farmaa deN  
Na jaaye ga mera AKHTAR RAZA Madine se



## 40.      MERI CHASHM KAAAN-E-GAUHAR HO RAHI HAY

Nazar pe kisi ki nazar ho rahi hay  
Meri chashm kaan-e-gauhar ho rahi hay

Mere khufiya naaloN ko woh sunn rahe hay  
'Inaayat kisi ki idhar ho rahi hay

Woh taybah meiN mujh ko talab kar rahe haiN  
Talab meri ab mo'atabar ho rahi hay

Huwa taalib-e-taybah matloob-e-taybah  
Talab teri ay muntazar ho rahi hay

Madine meiN huN aor pichlaa peher hay  
Shab-e-zindagi ki seher ho rahi hay

Nayi zindagi ki woh may dey rahe hay  
Meri zindagaani amar ho rahi hay

Madine se meri balaa jaaye AKHTAR  
Meri zindagi waqf-e-dar ho rahi hay

## 41. AEK NAZAR MAHR-E-DARAKSHAAN-E-JAMAAL

Is taraf bhi ik nazar mahr-e-darakshaan-e-jamaal  
Ham bhi rakhtey haiN bohat muddat se armaan-e-jamaal

Tum ne achchoN pe kiya hay khoob fayzaan-e-jamaal  
Ham badoN par bhi nigaah-e-lutf-e-sultaan-e-jamaal

Ik ishaarey se kiya shaq maah-e-taabaaN Aap ne  
Marhaba sad marhaba Salley 'Alaa shaan-e-jamaal

Teri jaaN bakhshi ke sadqey ay maseehaa-e-zamaaN  
SangreyzoN ne paRha kalmah tera jaan-e-jamaal

Kab se baithe haiN lagaaye lau dar-e-jaanaaN pe ham  
Haaye kab tak deed ko tarseiN fidaayaan-e-jamaal

Farsh aankhoN ka bichaaO rah guzar meiN aashiqoN!  
Un ke naqsh-e-paa se hoge mazhar-e-shaan-e-jamaal

Marr ke mitti meiN miley woh najdiyo! Bilkul ghalat  
Hasb-e-saabiq ab bhi haiN marqad meiN Sultaan-e-jamaal

Garmi-e-mehshar gunahgaaro! Hai bas kuch deyr ki  
Abr ban kar chaaEN ge gesoo-e-Sultaan-e-jamaal

Kar ke da'awaa hamsari ka kaise munh ke bal giraaa  
Mit gaya woh jis ne ki tauheen-e-Sultaan-e-jamaal

Haasidaan-e-shaah-e-deeN ko dijiye AKHTAR jawaab  
Dar haqiqat MUSTAFAA pyaare haiN Sultaan-e-jamaal

## 42. MAHR-E-ANWAR AYEDIYAAN

'Arsh par haiN un ki har soo jalwah gustar ayediyaaN  
Gah ba shakl-e-badr haiN gah mah-e-anwar ayediyaaN

MaiN fidaa kya khoob haiN taskeen-e-muztar ayediyaaN  
Roti surat ko hansaa deti haiN aksar ayediyaaN

Daafa'e har karb-o-aafat haiN woh yaawar ayediyaaN  
Bandah-e-haasi pe rehmat bandah parwar ayediyaaN

Ghunchaa-e-ummeed un ki deed ka hoga kabhi  
Phool ke haiN ab nazar meiN un ki khushtar ayediyaaN

Noor ke tukdoN pe un ke badr-o-AKHTAR bhi fidaa  
Marhaba kitni haiN pyaari un ki dilbar ayediyaaN

Ya Khuda taa waqt-e-rukhsat jalwah afgan hi raheN  
Aasmaan-e-noor ki woh shams-e-azhar ayediyaaN

Un ki rif'at wah wah kya baat AKHTAR dekh lo  
'Arsh-e-'aazam par bhi pohancheeN un ki bartar ayediyaaN

### 43. GAR HAMEIN ZAUQ-E-TALAB SA REHNUMA MILTA NAHIN

Gar hameiN zauq-e-talab sa rehnuma milta nahiN  
Raastah milta nahiN aor mudda'a milta nahiN

Jhuk key mahr-o-maah goyaa dey rahe haiN ye sadaa  
Dosaraa meiN koi tum sa doosra milta nahiN

Ibtaghoo farmaa key goyaa Rabb ne ye farmadiya  
Be waseelah najdiyo! Hargiz Khudaa milta nahiN

Un se ummeed-e-wafaa ay dil mehez bekaar hay  
Ahl-e-dunya se mohabbat ka silaa milta nahiN

Kis ne tujh se keh diya dil be gharaz aate haiN woh  
Be gharaz naadaan koi be wafa milta nahiN

Dekhtey hi dekhatey sab apne begaaney huwe  
Ab toh dhunRhey se bhi koi aashnaa milta nahiN

Lau lagaata kyuN nahiN baab-e-shah-e-kounayn se  
Haath uthaa kar dekh tu phir un se kya milta nahiN

Tere maykhaane meiN jo kheenchi thi woh may kya huwi  
Baat kya hai aaj peeney ka mazah milta nahiN

Saaqiya teri nigaah-e-naaz may ki jaan thi  
Pheyr li tu ne nazar to woh nashaa milta nahiN

Peeney waaley dekh pee kar aaj un ki aankh se  
Phir ye 'aalam hoga ke khud ka pata milta nahiN

AKHTAR-e-khasta 'abas dar dar phira karta hai tu  
Juz dar-e-AHMAD kahiN se mudda'a milta nahiN

#### 44. DAR-E-AHMAD PE AB MERI JABEEN HAI

Dar-e-AHMAD pe ab meri jabeeN hai  
Mujhey kuch fikr-e-do a'alam nahiN hai

Mujhey kal apni bakhshish ka yaqeeN hai  
Ke ulfat un ki dil meN jaaguzeeN hai

BahaareyN yuN to jannat meN haiN laakhoN  
Bahaar-e-dasht-e-tayba par kahiN hai

MaiN wasf-e-maah-e-tayba kar raha huN  
Balaa se gar koi cheeN bar jabeeN hai

A'bas jaana hai to ghayroN ki jaanib  
Ke baab-e-rahmat-e-rahmaN yahiN hai

Gunahgaaro na ghabraao ke apni  
Shafa'at ko Shafi'ee-ul-muznibeeN hai

Fareyb-e-nafas meN ham dam na aana  
Bachey rahna yeh maar-e-aasteeN hai

Dil-e-beytaab se AKHTAR yeh keh do  
Sambhal jaaey Madinah ab qareeN hai

## 45. NOOR HI NOOR HAI ZIYAA HI HAY

Takht-e-zarreeN hay na taaj-e-shaahi hay  
Kya faqeeraanah baadshaahi hay

Fiqr par shaan ye ke zeyr-e-nageeN  
Maah se le ke taabamaahi hay

Roo-e-anwar ke saamney sooraj  
Jaise ik sham'a subah gaahi hay

Saaya-e-zaat kyuN nazar aaye  
Noor hi noor hai ziyaa hi hay

Reet Aaqa ki choRh di ham ne  
Apni mehmaan ab tabaahi hay

Ik nigaah-e-karam se mit jaaye  
Dil pe AKHTAR ke jo siyaahi hay

## 46. QAT'AA

Soya nahiN maiN raat bhar 'Ishq-e-Huzoor meiN  
Kaisaa ye rut jagaa raha kayf-o-Sarwar meiN

Pichle pehar jo margaya un ka woh jaanisaar  
SargoshiyaaN ye kya hueeN ghulmaan-o-hoor meiN

## 47. MUNAWWAR HOGAYA 'AALAM

Tumhare rukh ke jalwoN se munawwar hogaya 'aalam  
Magar kyunkar ghataa gham ki mere dil se nahiN chath'ti

KaruN AKHTAR shumaari intezaar-e-subah maiN kab tak  
Ilaahi hai ye kaisi raat ke kaatey nahiN kat'ti

Na ghabraa haadisaat-e-dehar se itna mere ham dam  
Ye dunya hai kabhi ye aek haalat par nahiN rehti



## 48. QAT'AA

Jabeen-e-wahaabi pe dil ki siyaahi  
NumaayaaN huwi jaise ho mahr-e-shaahi

Ke eeN sajdah haaye baghayr mohabbat  
Na yaaband hargiz qubool az ilaahi

## 49. BAZM-E-YAAR KA 'AALAM

Nit nayi aek uljhan hay  
Uff gham-e-rozgaar ka 'aalam

Kayf-o-masti meiN gharq ye dunya  
Jaaney kya dil figaar ka 'aalam

Ay Khuda! Tujh pe khoob zaahir hay  
Hay jo mujh sougwaar ka 'aalam

Jaan-e-gulshan ne ham se munh moudaa  
Ab kahaaN woh bahaar ka 'aalam

Ab kahaaN woh chalaktey paymaaney  
Ab kahaaN woh khumaar ka 'aalam

Haaye kya hogaya ghaRhi bhar meiN  
Woh shakeeb-o-qaraar ka 'aalam

Daar-e-faani se kya gharaz is ko  
Jis ka 'aalam qaraar ka 'aalam

Ab woh rangeeniyaaN nahiN Ya Rabb!  
Kya huwa bazm-e-yaar ka 'aalam

Yaad aata hai waqt-e-gham AKHTAR  
Ruksat-e-gham gusaar ka 'aalam

## 50. ZAARI-E-PAYHAM KYA HAY

Meri mayyat pe ye ahbaab ka maatam kya hay  
Shour kaisa hai ye aor zaari-e-payham kya hay

Waay hasrat dam-e-aakhir bhi na aa kar poocha  
Mudda'a kuch to bataa deedaah-e-pur nam kya hay

Kuch bigaRhata to nahiN maut se apni yaaro  
Hamsafeeraan-e-gulistaaN na rahey ham kya hay

In khayalaat meiN gummi tha ke jhinjhoRhaa mujh ko  
Aek anjaan si aawaaz ne ik dam kya hay

Koun hota hai museebat meiN shareek-o-hamdam  
Hosh meiN aa ye nashaa sa tujhe har dam kya hay

Kayf-o-masti meiN ye madhosh zamaaney waaley  
Khaak jaaneN gham-o-'aalaam ka 'aalam kya hay

Un se ummeed-e-wafa haaye teri naadaani  
Kya khabar un ko ye kirdaar-e-mu'azzam kya hay

Woh jo haiN ham se gureezaaN to balaa se apni  
Jab yahi taur-e-jahaaN hai to bhala gham kya hay

Meethi baatoN pe na jaa ahl-e-jahaaN ki AKHTAR  
Aql ko kaam meiN laa ghaflat-e-payham kya hay

## 51. NAZAAREY BADAL GAYE

Ghayr apne hogaye jo hamaare badal gaye  
Nazrey badal gaeen to nazaarey badal gaye

Kis ko sunaaiyega yahaaN gham ki daastan  
Jo gham meiN saath dete woh saarey badal gaye

DhoonRhey se paaiyega na pehli si mastiyaaN  
badli sharaab kohnaah woh piyaaley badal gaye

Is daur-e-maslihat meiN wafaa koi shaye nahiN  
Gaahey huwe hamaare to gaahey badal gaye

AKHTAR lagaaiye lau NABI-E-KAREEM se  
Kya fikr ahl-e-dunya jo saare badal gaye

## 52. ASHK-E-RAWAAN

Souz-e-nihaaN ashk-e-rawaaN aah-o-fughaaN dete haiN  
KyuN mohabbat ka silaa ahl-e-jahaaN dete haiN

Kaun rakhta teri is khaas 'Inaayat ka bharam  
Bas hameiN daad-e-sitam giryaah kunaaN dete haiN

Ab pas-e-marg ubhartey haiN ye dereenah nuqoosh  
Ham fanaa ho ke bhi hasti ka nishaaN detey haiN

Kufr hai dekh ye khauf aor rajaa un se nadeem  
Butt bhi kya tujh ko bhala soud-o-ziyaaN dete haiN

### 53.      RAAH-E-ULFAT MEIN

NahiN jaati kisi soorat pareshaani nahiN jaati  
Ilaahi! Mere dil ki khaana-e-weeraani nahiN jaati

Na jaane kis qadar sadmey uthaaye raah-e-ulfat meiN  
NahiN jaati magar dil ki woh naadaani nahiN jaati

Piye bin hi yahaaN masti ka ye 'aalam ma'azAllah  
Qareeb-e-marg bhi woh chaal-e-mastaani nahiN jaati

HazaaroN dard sehtaa huN isi ummeed meiN AKHTAR  
Ke hargiz raaeeNgaaN faryaad-e-roohaani nahiN jaati

## 54. MANZAR-E-ISLAAM

Manba'a-e-noor-e-risaalat manzar-e-islam hay  
Dars gaah-e-Ilm-o-sunnat manzar-e-islam hay  
Qiblah gaah-e-deen-o-millat manzar-e-islam hay  
Markaz-e-islam-e-khilqat manzar-e-islam hay  
Yaadgaar-e'Aala Hazrat manzar-e-islam hay

## 55. AYZAN

Door se aata yahaaN har aek tishnaa kaam hay  
Baadah-e-hubb-e-Nabi ka is ko milta jaam hay  
Aap kat jaata hai us se jo bhi naafir jaam hay  
MunkiroN ke waastey ye taygh-e-khooN aashaam hay  
Jaisaa us ka naam hay waisa hi us ka kaam hay



## 56. 'ARABI NA'AT

Rasool Allahi Yaa kanzal amaani  
'Alaa 'aataabikum waqfal mu'aani

Bi haazal baabi ya'tazzul zaleelu  
Li haazal baabi ya'ati kullu 'aani

Li haazal baabi intadabar raheemu  
Zawil aouzaari min qaasiw wadaani

Rasool Allahi inni mustajeerun  
Lada a'ataabikum min kulli jaani

Rasool Allahi famman'ani wa kun li  
M'ueenal khaira 'aouniwa fil zamaani

Lakum jaa'ata rouahlana hafaafa  
Wakum sadrat mahmalata 'awaani

Wakam faazat bihaaruka kulla heeni  
Wakam jaadat samaa'uka kulla aani

Fidaakum mahjati antum i'maadi  
Muraadi bugheyati kanzi amaani

Alaa tahyoona min qalbi mawaata  
Alaa taatoona mundarsal makaani

Wala zaalati bihaaru kum tafeezu  
Wa amtaarun nada marral awaani

Amaa li shamsi fee layli sharooqu  
Alaa maa yajloo mahyaakum kiyaani

Wakam jallaytum 'ameyl u'yooni  
Wakam ahyeytumu maytal jinaani

رسول الله يا كنز الأمانى

يا أمانك مقة الأمان

بهذا الباب يعتزل الزليل

لهذا الباب تاتر كان عان

لهذا الباب انتدب الرحيم

يا أمانك مقة الأمان

رسول الله اننى مستجير

يا أمانك مقة الأمان

رسول الله فامننى وكن لى

يا أمانك مقة الأمان

لكم جاءت رواحنا حفافاً

وكم صدرت محملة عوانه

وكم فاضت بحارك كل حين

يا أمانك مقة الأمان

الا تحيون من قلبى مواتا

الأ تاتون مندرس المكان

يا أمانك مقة الأمان

ولا زالت بحاركم تفيض

يا أمانك مقة الأمان

اما للشمس فى ليلى شروق

يا أمانك مقة الأمان

وكم جليتكم عمى العيون

وكم أحييتكم ميت الجنان

Rasool Allahi inni mustahibbun  
Madinatakum 'alaa rouzil jinaani

Rasool Allahi joodu bil wisaali  
Kafaa min hijri kum maa qad 'aani

رسول الله اني مستحب

ماليك عا. ر. م. الح. ان

رسول الله جودوا بالوصال

كفى من هجر كم ما قد أعاني

## 57. YAA MUJEEBU YAA MUJAABU

Yaa Mujeebu Yaa Mujaabu  
Anta ney'mal mustanaaboo

يَا مُجِيبُ يَا مُجَابُ - أَنْتَ نِعَمَ الْمُسْتَنَابُ

Yaa Rasoolallahi haqqan  
Anta linnay'maai baaboo

يَا رَسُولَ اللَّهِ حَقًّا - أَنْتَ لِلنَّعْمَاءِ بَابُ

Anta maataahaa waheedan  
Fil waraa antal maAaboo

أَنْتَ مَاتَاهَا وَحِيدًا - فِي الْوَرَى أَنْتَ الْمَابُ

Bilhudaa wa haqqi waafaa  
Alkhalqa marOo la yuraaboo

بِالْهُدَى وَالْحَقِّ وَافَى - الْخَلْقَ مَرَّةً لَا يُرَابُ

Kheeratin lillahi feenaa  
Aljamee'oo minhu taAaboo

خَيْرَةٌ لِلَّهِ فِينَا - الْجَمِيعُ مِنْهُ طَابُوا

Ahmadul mukhtaaru hibbi  
Mal lahu wajhuy yuhaaboo

أَحْمَدُ الْمُخْتَارُ حَبِيبِي - مَنْ لَهُ وَجْهُ يُهَابُ

Sha'ruhu mithlus sahaabi  
Wardaa buhu sharaabu

شَعْرُهُ مِثْلُ السَّحَابِ - وَرُضَا بِهِ شَرَابُ

Sadruhul mishkatu feeha  
Sham'atun laa bal shahaaboo

صَدْرُهُ الْمِسْكَاتُ فِيهَا - شَمْعَةٌ لَا بَلْ شَهَابُ

Jooduhu faaqal jawaadi  
Wabihi jaadas sahaaboo

جُودُهُ فَاقَ الْجَوَادِي - وَبِهِ جَادَ السَّحَابُ

Qalluhu maala yuhaddu  
Kathruhoo bahrin 'ubaaboo

قَلُّهُ مَا لَا يُحَدُّ - كَثْرُهُ بَحْرُ عِبَابُ

Fadluhu douman mazeedoo  
Laysaa yuhseehi hisaaboo

فَضْلُهُ دَوْمًا مَزِيدُ - لَيْسَ يُحْصِيهِ حِسَابُ

Wamazaaruhoo amaanoo  
Waliman 'asaa mataaboo

وَمَزَارُهُ أَمَانُ - وَلِمَنْ عَصَى مَتَابُ

AKHTARUL jaani ataaka  
Fanfi 'anhu yu'aboo

أَخْتَرُ الْجَانِي أَتَاكَ - فَانْفِ عَنْهُ يُعَابُ

58. 'Arabi Salaam

هَادِي السَّبِيلِ يَا مَنَارَ سَلَامٍ  
عَدَدَ الْبَرِّ وَالْبَحَارِ سَلَامٍ

يَتَوَالِي عَلَيْكَ مِنْ قَلْبِي  
مَا تَرْنَمُ الْهَزَارُ سَلَامٍ

قَدَرَا السَّمَاءِ وَالْأَرْضِ  
عَدَدَ اللَّيْلِ وَالنَّهَارِ سَلَامٍ

بَلْ عَلَيْكَ سَائِرَ الدَّهْرِ  
عَدَدَ الزَّحْفِ وَالْفِرَارِ سَلَامٍ

يَا سِرَاجُ الْمَنِيرِ مِنْ رَبِّي  
مَنْ بِهِ الْعَالَمُ اسْتَنَارَ سَلَامٍ

يَا رَسُولَ الْأَنَامِ أَحْمَدُهُ  
قُدُوةَ الْقَادَةِ الْخِيَارِ سَلَامٍ

يَا مَعِينَا لِكُلِّ مَلْهُوفٍ  
خَيْرَ جَارٍ لَذِي اسْتَجَارَ سَلَامٍ

يا صبا بلّغى إلى حبّى  
من بعيد عن الديار سلام

هائم فى طلاب طيبة  
مستهاب له الجوار سلام

مُهجتى بُنيتى وعاء ثلتى  
كلّها تُقرئ المزار سلام

جاءت العصاة سدتكم  
يستجيرون يا مجار سلام

منكم ترتجى شفاعتكم  
للجنة الكبار سلام  
ويتوبون من ذنوبهم  
بشر وهم بالاغتفار سلام

لمن از دار طيبتكم  
جنة الخلد والقرار سلام

ولمن هوى مدينتكم

مثله يا خيار سلام

اجعلونى من أهل بلدتكم

وعليكم ذوى الفخار سلام

ما تبسّمت زهور رُبى

رُش كالطلّ فى الخضار سلام

وسلام كناقب النجم

ثم كالشمس فى النهار سلام

وسلام كمائد الغصن

ثم كالزهر فى ازدهار سلام

اشتكى القلب هجركم

قرّبونى من الديار سلام

شرف الله قدركم

شرفونی بالا زدیار سلام

کم زهنی منکم شرف  
کم سمی منکم الفخار سلام

کم سمت بکم أصولکم  
کم علی منکم النجار سلام

سادتی أنکم لما منة  
للذی سامه الشرار سلام

لن یضام الذی أحبکم  
بل له دائم الوقار سلام

کم لکم من سَوَابِغِ النِّعَمِ  
دائماتِ بلا انحصار سلام

اختر المجتدی یلّغکم  
سائلا منکم الجوار سلام

## 59. 'Arabi Ghazal

تلو مونی علی ذنب عظیم  
BaRey gunaah par tum mujh ko malaamat kartey ho  
ومن یات الذنوب فقد ألاما  
Aor jo gunaah karey ga mustahiq-e-malaamat hoga  
ولطف الله أوسع أن یضيقا  
Aor Allah ki maharbaani wasi'ee tar hai us se ke tang ho  
بمثلی فاسمعوا ودعوا الملاما  
Meyre misl par to ye suno aor malaamat choRho  
دعونی أسئل الرحمان سولی  
Mujhey rahmat waaley Khuda sey bheek maangney do  
وانی واثق أن لن أضاما  
Aor maiN bharosa rakhta hooN ke woh qeher na karey ga  
فلی میثاق ربی أن یتوبا  
Kyunke meyre liye meyre Rabb ka wa'adah hai ke woh meyri touba  
علیّ وهو عن خُلف تساما  
Qubool farmaaiy ga aor woh wa'adah khilaafi sey paak hai  
الهی فاغتفرلی ما مضی من  
Meyre ma'abood jo kuch meyre  
ذنوبی قبل أن ألقى حماما  
Gunaah ho chukey mujhey mout milney sey pehley mu'aaf farmaa dey  
وللا خوان والأصحاب أنا  
Aor meyre saathon ko mu'aaf farmaa  
دعونا کافّا فاد خلنا السلاما  
Ham ney tujh sey du'aa ki tu ham ko jannat meN daakhil farmaa  
وجنبنا عذاب النار ربّی  
Aor ham ko jahannam ke 'azaab sey door kar dey ay meyre Khuda



فانّ عذابها كان غراما

Is liye ke dozakh ka 'azaab sakht hai

وابق المفتى الشيخ الجليلا

Aor Mufti Shaykh Jaleel ko un ke

على اعدائه دو ما حساما

DushmanoN pe hameysha talwaar banaay rakh

ومتّعنا به دهرًا طويلا

Aor un sey ham ko taweel zamaaney tak faaidah 'ataa farmaa

وبارك فيه وارفعه مقاما

Aor un ki zaat meN barkat darey aor un ka muqaam buland farmaa

بجاه المصطفى من جاءفينا

Mustafaa ki i'zzat ka sadqah jo ham meN tashreef laaey

رسولا هاد يا يجلو الظلاما

Ayse Rasool-e-Haadi ho kar ke andheyri ko roushan farmaatey haiN

## 60. YAA RASOOLALLAH YAA KHAYR-UL-ANAAM

Yaa RasoolAllah Yaa Khayr-ul-anaam  
Dour-e-iftedaah ka lijiye salaam

Zeyb-o-zeen-e-'arsh-e-rahmaaN Assalaam  
Nikhat-e-tayb-e-gulsitaaN Assalaam

Ay qaraar-e-be qaraaraaN Assalaam  
Chaarah saaz-e-dilfigaaraaN Assalaam

Ay shahenshah-e-Madinah Assalaam  
Ay qaraar-e-qalb-o-seenah Assalaam

Jaan-e-jaan-o-jaan-e-imaaN Assalaam  
Ay shafi'-e-ahl-e-'IsyaaN Assalaam

Mahb-e-wahi-o-sakeenah Assalaam  
Gayb daan-o-gayb-e-beenaa Assalaam

Yaa RasoolAllah Madinah ki fazaaaN ko salaam  
Yaa RasoolAllah Tayba ki hawaaN ko salaam

Ay Khudaa ko dekhney waale Nabi  
Kaun si shay tujh se 'aalam meiN chupi

Kijiye apne karam se soorat-e-'aysh-e-dawaam  
Yaa RasoolAllah 'ataa ho khuld-e-taybah meiN maqaam

Be thikaanoN ko thikaanaa dijiye  
Bistar-e-khaak-e-Madinah dijiye

Tu to waaqif hay mere ahwaal se  
Kya gharaz phir mujh ko 'arz-e-haal se

Kaam bandoN ka hay 'arz-e-mudda'a  
YuN laboN par maqsad-e-dil aagaya

Dafa'a taybah se ho ye najdi balaa  
Yaa RasoolAllah ajjal biljalaa

Yaa RasoolAllah bahr-e-FATIMAH  
Apne AKHTAR ko Madinah meiN gumaa

## 61. MERE ALLAH KE NIGAAR SALAAM

Mere Allah ke nigaar salaam  
Dast-e-qudrat key Shaahkaar salaam

DonoN 'aalam ke Tajdaar salaam  
Jaan-e-har jaan-o-jaandaar salaam

Nikhat-e-har chaman hazaar salaam  
Jaan-e-har bulbul hazaar salaam

Khaak-e-taybah baney meri hasti  
'Arz karta hai khaaksaar salaam

Shauq-e-payham ki iltijaa sunn lo  
Tum pe ho meri jaaN nisaar salaam

Phir Madine meiN kab bulaao ge  
Tum se kehta hay intezaar salaam

Mujh ko zaalim pe ikhtiyaar nahiN  
Tum to rakhte ho ikhtiyaar salaam

Khuld kehti hay yuN Madine se  
Tujh pe ay khuld ki bahaar salaam

Motiyon ko sajaa key palkon par  
Kehti hay chashm-e-ashkbaar salaam

Apni ulfat ka aisa jaam pilaa  
Jis ka baRhata rahey khumaar salaam

Dard-e-ulfat meiN dey mazaa aisa  
Dil na paaye kabhi qaraar salaam

Dil ki dhaRhkan tumhari yaad bane  
Har nafas tum pe beshumaar salaam

Teri khaatir zaleel hona hay  
Meri 'Izzat mere waqaar salaam

Apne AKHTAR ka lo salaam Shaha  
Tum pe ay jaan ay qaraar salaam

## 62. AY MADINE KEY SHAHR-E-YAAR SALAAM

Ay Madine key shahr-e-yaar salaam

Ay zamaane key tajdaar salaam

Gham key maaroN key gham gusaar salaam

Ay qaraar-e-dil figaar salaam

Zeenat-e-'arsh-e-kirdigaar salaam

Farsh ke taaj-e-iftekhaar salaam

Faatah-o-khaatim-e-payaambari

Gulshan-e-deher ki bahaar salaam

Lazzat-e-aagaah paa-e-bous-e-Habeeb

Ay madine key rah guzaar salaam

Gumbad-e-sabz rahmat-e-'aalam

Tujh ko kehte haiN sabzaa zaar salaam

Ay guzar gaah-e-sarwar-e-'aalam

Chashm-o-sar huN tere nisaar salaam

Naqsh-e-yaad-e-Nabi khalish se jamaa

Dasht-e-taybah key pyaare khaar salaam

Yaad hay teri kitni kayf aawar

Gham hay farhat se ham kinaar salaam

### 63. AY SABA LE JAA MADINE KO PAYAAM

Ay saba le jaa Madine ko payaam  
'Arz kar dey un se baa sadd ahteraam

Ay makeen-e-gumbad-e-khazraa salaam  
Ay shakeeb-e-har dil-e-shaydaa salaam

Ab Madine meiN mujhe bulwaaie  
Apne bekas par karam farmaaiye

Bulbul-e-beparr pe hojaaye karam  
Aashyaanash dah baa gulzaar-e-haram

Hind ka jangal mujhe bhaata nahiN  
Bas gayi aankhoN meiN taybah ki zameeN

Zindagi ke haiN Madine meiN mazey  
'Aysh jo chaahe Madine ko chaley

Khuld ki khaatir Madinah choRh duN  
EeN khayaal ast-o-muhaal ast-o-junooN

Khuld key taalib se keh do begumaaN  
Taalib-e-taybah ki taalib hay jinaaN

Mujh se pehle meraa dil haazir huwa  
Arz-e-taybah kis qadar hay dilrubaa

Kitni pyaari hay Madine ki chamak  
Roshni hi roshni hay taa falak

Kitni bheeni hay Madine ki mehak  
Bas gayi boo-e-Madinah 'arsh tak

Yaa RasoolAllah az rahmat nagar  
Dar baqi'e-paak khawaaham mustaqar

Bas anoukhi hay Madine ki bahaar  
Rashk-e-sad gul haiN isi gulshan ke khaar

Kitni raushan hay yahaaN har aek shab  
Har taraf hay taabish maah-e-'arab

Kya Madine ko zaroorat chand ki  
Maah-e-taybah ki hai har soo chandni

Noor waale Saahib-e-m'eraaj hay  
Mahr-o-mah un ke sabhi mohtaaj haiN

Ay khushaa bakht rasaaye AKHTARAT  
Baaz aawardi gadaa raa bardarat



64. MANQABAT: SAYYEDNAA IMAAM-E-'AALI  
MAQAAM HAZRAT IMAAM HUSSAIN  
RADIALLAHTA'ALA'ANHU

Shuja'at naaz karti hay jalaalat naaz karti hay  
Woh Sultaan-e-zamaaN haiN un pe shaukat naaz karti hay

Sadaaqat naaz karti hay amaanat naaz karti hay  
Hamiyat naaz karti hay murawwat naaz karti hay

Shah-e-khubaaN pe har khoobi-o-khaslat naaz karti hay  
Kareem aise haiN woh un par karaamat naaz karti hay

Jahaan-e-husn meiN bhi kuch niraali shaan hay un ki  
Nabi ke gul pe gulzaaroN ki zeenat naaz karti hay

Shahenshaah-e-shaheedaaN ho anoukhi shaan waaley ho  
Hussain Ibn-e-'Ali par shahaadat naaz karti hay

Bithaa kar shaana-e-aqdas pe kardi shaan do baala  
Nabi ke laaRhloN par har fazeelat naaz karti hay

Jabeen-e-naaz un ki jalwah gaah-e-Husn hay kis ki  
Rukh-e-zaybaa pe hazrat ki malaahat naaz karti hay

Nigaah-e-naaz se naqshaa badal detey haiN 'aalam ka  
Aadaa-e-Sarwar-e-khoobaaN pe nudrat naaz karti hay

Fidaayi huN to kis ka huN koi dekhey meri qismat  
Qadam par jis haseeN ki jaan-e-tal'at naaz karti hay

Khuda ke fazl se AKHTAR maiN un ka naam lewaa huN  
MaiN huN qismat pe naazaaN mujh pe qismat naaz karti hay

## 65. AYEZAA

Baagh-e-tasleem-o-Raza meiN gul khilaatey haiN Hussain  
Ya'ani hangaam-e-museebat muskuraatey haiN Hussain

Barq 'aalam-e-souz ka 'aalam dikhaatey haiN Hussain  
Muskuraa kar qil'aa baatil ka giraatey haiN Hussain

Marzi-e-Maulaa ki khaatir har sitam ko seh liya  
Kis khushi se gham dil par uthaatey haiN Hussain

## 66. YAA GHAAUS AL MADAD

PeeroN key Aap peer haiN Yaa Ghaus Al Madad  
Ahl-e-safaa key meer haiN Yaa Ghaus Al Madad

Ranj-o-alam kaseer haiN Yaa Ghaus Al Madad  
Ham 'aajiz-o-aseer haiN Yaa Ghaus Al Madad

Ham kaise jee rahey haiN ye tum se kya kaheN  
Ham haiN alam ke teer haiN Yaa Ghaus Al Madad

Teer-e-nazar se pheyr do saarey alam-e-teer  
Kya ye alam key teer haiN Yaa Ghaus Al Madad

Tere hi haath laaj hay Yaa Peer-e-Dastagir  
Ham tujh se dastagir haiN Yaa Ghaus Al Madad

Idfa'a sharaara shar Yaa Ghausanal abar  
Shar key sharar khateer haiN Yaa Ghaus Al Madad

Kis dil se ho bayaan bedaad zaalimaan  
Zaalim baRe shareer haiN Yaa Ghaus Al Madad

Ahl-e-safaa ne paayi tum se rah-e-safaa  
Sab tum se mustaneez haiN Yaa Ghaus Al Madad

Sadqaa Rasool-e-paak ka jholi meiN daal do  
Ham Qaadiri faqeer haiN Yaa Ghaus Al Madad

Dil ki sunaaye AKHTAR dil ki zubaan meiN  
Kehte ye beh-tey neer haiN Yaa Ghaus Al Madad

## 67. MANQABAT: DAR MADAH HAZRAT SAYYAD SAALAAH MAS'OOD GHAAZI 'ALAYHIRAHMAH

Hazrat-e-Mas'ood -e-Ghaazi Akhtar -e-burj-e-hudaa  
BekasoN ka hamnawaa woh saalikoN ka muqtadaa

Saaqi-e-sahbaa-e-ulfat raaz daan-e-m'arifat  
Badshaah aisa woh jis ki aek dunya hay gadaa

Aasmaan-e-noor ka aisa darakhshindaa qamar  
Jis ki taabish se munawwar saara 'aalam hogaya

Naayb-e-Shaah-e-Shaheedaan woh muhaafiz noor ka  
Jis ne senchaa hay lahoos se gulshan-e-deen-e-Khudaa

Isteqaamat ka woh koh-e-mohkam-o-baala tareeN  
Jis ke aagey koh-e-'aafaat-o-masaaeb jhuk gaya

Saadgi mein bhi hay woh Sardaar-e-khubaan dekhiye  
Kya muqaddas zaat hay jis ki niraali har adaa

Noushaa-e-bazm-e-jinaan woh bandaa-e-Rabb-e-jahaan  
Hoor-o-ghilmaan jis ki khidmat par muqarrar haiN sadaa

Tere noor-e-faiz se khairaat dunya ko mili  
Ham ko bhi had mu'azzam ka miley sadqaa Shahaa

Yaa Ilaahi! Tere bandey key dar par noor par  
Gardish-e-ayyaam ka main tujh se karta hun gilaa

Yaa Ilaahi! Beniyaaz-e-deher tu kar dey mujhe  
Door kar dey mere dil se ulfat-e-har maa siwaa

Allah Allah ye naseeb-e-AKHTAR-e-shireeN sukhani  
Faiz-e-Maulaa se hay woh saalaar ka midhat saraa

## 68. KHWAJA-E-HIND WOH DARBAAR HAI

Khwaja-e-Hind woh darbaar hai a'ala teyra  
Khusraw-e-dehar huwa maangney waala teyra

Faiz Sultaan-e-sakhaawat hai niraala teyra  
Kabhi mahroom nahiN phirta hai mangtaa teyra

Teyri choukhat pe jo aaya woh bana Shaah-e-samaaN  
Khusraw-e-dehar meN hai farmaan chalta teyra

Sadqa hai Khwaja-e-Ajmer ka tujh pe AKHTAR  
Burj-e-rif'at meN chamakta hai sitaara teyra

## 69. JAMAAL-E-HAZRAT-E-AHMAD RAZA KA AAYNAA TUM HO

TumheN jis ney bhi dekha keh uthaa AHMAD RAZA tum ho  
Jamaal-e-Hazrat-e-Ahmad Raza ka aaynaa tum ho

NahiN Haamid Raza ham meiN magar wajhe shakeebaayi  
Khuda rakhey tumheIN zindaa mere Haamid numaa tum ho

Tumhare naam meiN tum ko buzurgi ki sanad haasil  
Raza wajhe buzurgi hay razaa-e-Mustafaa tum ho

Tumhare naam meiN yuN haiN Raza-o-Mustafaa do juzz  
Raza waaley yaqiqan Mustafaa key Mustafaa tum ho

Tumhari rif'atoN ki ibtedaa bhi paa nahiN sakta  
Key uftaadah zameeN huN maiN balandi ka samaa tum ho

Hayaat-o-mout waabastaa tumhare dam se haiN donoN  
Hamari zindagi ho aor dushman ki qazaa tum ho

Ye noori chehrah ye noori adaaeN sab ye kehte haiN  
Shabi-e-Ghaus ho noori miyaan ho aor Raza tum ho

Raza jo yaan-e-Rabb thaamey huwe haiN isliye daaman  
Raza se kaam padta hay raza-e-kibriyaa tum ho

Janaab-e-Mufti-e-'Aazam key fayzaan-e-tajalli se  
Shabistaan-e-raza meiN khayr se AKHTAR Raza tum ho

## 70. MANQABAT: DAR SHAAN HUZoor MUFTI-E- 'AZAMHIND 'ALAYHI RAHMAH

Mufti-e-'Aazam-e-deen-e-khayr-ul-waraa  
Jalwaa-e-shaan-e-'Irfaan-e-Ahmad Raza

Deed-e-Ahmad Raza hai tumheN dekhna  
Zaat-e-Ahmad Raza ka ho tum aaynaa

Kya kahuN haq key ho kaise tum muqtadaa  
Muqtadaayaan-e-haq karte haiN iqtadaa

Un ki midhat ko maiN kis se maanguN zubaaN  
Kya maqaam-e-surayyaa bataaye saraa

Ahmad-e-noori ke haiN ye mazhar tamaam  
Ye haiN noori miyaan noori har har adaa

Noor ke may pilaatey haiN ye roz-o-shab  
Jis ko peena ho aaye hay maykhanaa waa

HaiN bohat 'Ilm waaley bhi aor peer bhi  
AankhoN dekha na un saa na kaanoN sunaa

Un ka saaya saroN par salaamat rahey  
Munh saRhaatey rahe yuN hi dushman sadaa

Un ke haasid pe woh dekho bijli giri  
Woh jalaa dekh kar woh jalaa woh jalaa

Woh jaleN ge hamesha jo tujh se jaleN  
Marr ke bhi dil jaloN ko na chain aayega

AashiqoN ke jigar un se thandey raheN  
DushmanoN par raheN bann ke shakl-e-qazaa

Zaydu'aa ulanasti ajma'ihim  
Istajib Rabbana Yaa Mujeebad du'aa

Aor hoN ge jinheN tujh se laalach ho kuch  
Tere AKHTAR ko kaafi hai teri Raza





## 71. CHAL DIYE TUM AANKH MEIN ASHKON KA DARYAA CHORH KAR

Chal diye tum aankh meiN ashkoN ka darya choRh kar  
Ranj-e-furqat ka har ik seeney meiN shou' alaa choRh kar

Lazzat-e-may le gaya woh jaam-o-meenaa choRh kar  
Mera saaqi chal diya khud may ko tishnaa choRh kar

Har jigar meiN dard apna meetha meetha choRh kar  
Chal diye woh dil meiN apna naqsh-e-waala choRh kar

Jaama-e-mushkeeN liye 'arsh-e-mu'alla choRh kar  
Farsh par aaye farishtey bazm-e-baala choRh kar

'Aalam-e-baala meiN har soo marhaba ki goonj thi  
Chal diye jab tum zamaaney bhar ko soona choRh kar

Maut-e-'aalim se bandhi hai maut-e-'aalam begumaaN  
Rooh-e-'aalim chal diya 'aalam ko murdaah choRh kar

Muttaqi bann kar dikhaaye is zamaaney meiN koi  
Aek mere Mufti-e-'Aazam ka taqwaa choRh kar

Khwaab meiN aa kar dikhaao ham ko bhi ay jaaN kabhi  
Kaun si dunya basaayi tum ne dunya choRh kar

Aek tum dunya meiN reh kar taarik-e-dunya rahe  
Reh ke dunya meiN dikhaaye koi dunya choRh kar

Us ka ay Shaah-e-zaman saara zamaana hogaya  
Jo tumhara hogaya saara zamaana choRh kar

Rehnumaa-e-raah-e-jannat hai tera naqsh-e-qadam  
Raah-e-jannat tay na hogi tera rastaa choRh kar

Misl-e-girdoN saaya-e-dast-e-karam hay aaj bhi  
Kaun kehta hay gaye woh besahara choRh kar

Ho sakey to dekh AKHTAR baagh-e-jannat meiN usey  
Woh gaya taaroN se aagey aashiyaanaa choRh kar



## 72. LA'AL-E-YAKTAA-E-SHAH-E-AHMAD RAZA MILTA NAHIN

Zeenat-e-sajjaadah-o-bazm-e-qazaa milta nahiN  
La'al-e-yaktaa-e-Shah-e-Ahmad Raza milta nahiN

Woh jo apney daur ka Siddiq tha milta nahiN  
Mehram-e-raaz-e-Muhammad Mustafaa milta nahiN

Abb charaagh-e-dil jalaa kar ho sakey to dhunRhiye  
Par to Ghaus-o-Raza-o-Mustafaa milta nahiN

'Aalam-e-souzedaruN kis se kahuN kis se kahuN  
Chaarah saaz-e-dard-e-dil dard aashnaa milta nahiN

'AalimoN ka mu'atabar woh peshwaa milta nahiN  
Jo mujassam 'Ilm tha woh kya huwa milta nahiN

ZaahidoN ka woh musallam muqtadaa milta nahiN  
Jis pe naazaaN zohad tha woh paarsaa milta nahiN

Fard-e-afraad-e-zamaaN woh shaykh-e-ashyaakh-e-jahaaN  
Kaamaan-e-deher ka woh muntahaa milta nahiN

Isteqaamat ka woh koh-e-mohkam-o-baala tareeN  
Jiss ke jaaney se zamaana hil gaya milta nahiN

Chaar yaaroN ki adaaeN jis meiN theeN jalwaa numaa  
Chaar yaaroN ka woh raushan aaynaa milta nahiN

Aek shaakh-e-gul nahiN saara chaman andohgeeN  
Mustafaa ka 'antaleeb-e-khushnawa milta nahiN

Mufti-e-'Aazam ka zarra kya bana AKHTAR Raza  
Mehfil-e-anjum meiN Akhtar doosraa milta nahiN

### 73. MANQABAT: DAR SHAAN-E-MUFASSIR-E- 'AAZAM-E-HIND 'ALAYHI RAHMA

Haami-e-deen-e-hudaa the Shaah-e-Jeelaani MiyaaN  
Bilyaqeen mard-e-khuda the Shaah-e-Jeelaani MiyaaN

Misl-e-gul hangaam-e-rukhsat muskuraatey hi rahe  
Paykar-e-sabr-o-raza the Shaah-e-Jeelaani MiyaaN

Chal basey ham ko dikhaa kar raah seedhi khuld ki  
Deen-e-haq key rehnumaa the Shah Jeelaani MiyaaN

Hijr ki laaye na taab-e-aakhirash jaahi mile  
'Aashiq-e-khayr-ul-waraa the Shaah-e-Jeelaani MiyaaN

Un ke har irshaad se har dil ki hoti thi jilaa  
Mazhar-e-shaan-e-khuda the Shaah-e-Jeelaani MiyaaN

Maal-o-zarr sab kuch nichaawar raah-e-haq meiN kar gaye  
Kaise mukhlis peshwaa the Shaah-e-Jeelaani MiyaaN

Ham ko bin dekhe tumheN ab kaise chaein aaye Huzoor  
Tum shakeeb-e-aqrabaa the Shaah-e-Jeelaani MiyaaN

Sabr-o-tasleem-o-raza ki ab hameN toufeeQ dey  
Tere bandey ay Khuda! The Shaah-e-Jeelaani MiyaaN

Shour kaaisa hai ye barpaa ghaur se AKHTAR suno  
Par taw-e-Ahmad Raza the Shaah-e-Jeelaani MiyaaN

## 74. MANQABAT: DAR SHAAN-E-MUFASSIR-E- 'AAZAM HIND 'ALAYHI RAHMA

Kis ke gham meiN haaye taRhpaata hay dil  
Aor kuch zyaada umanRh aata hay dil

Dil tera hargiz behekney ka nahiN  
Tu 'abas beemar behlaata hay dil

Haaye dil ka aasraa hi chal basaa  
TukRhe tuRhre ab huwa jaata hay dil

Kaun jaane raaz-e-mehboob-o-muhibb  
KyuN liya jaata diya jaata hay dil

JaaN ba haq tasleem ho jaana tera  
Yaad kar key mera bhar aata hay dil

Ay ta'ala Allah shaan-e-awliya  
In ke astaghnaa pe bal khaata hay dil

MaiN bhi huN kuch din ka mehmaan-e-jahaaN  
Taab-e-hijraaN ab nahiN laata hay dil

Khaa chuka hay baarhaa kitne faraib  
Phir bhi dunya par mitaa jata hay dil

Tere peechey ho chuka barbaad maiN  
Rehne dey ab aor kya bhaata hay dil

ChoRh dey haaN aor ghaflat choRh dey  
KyuN soo-e-dozakh liye jaata hay dil

Apne Maulaa ko manaa le badnaseeb  
ThokareN dar dar ki kyuN khaata hay dil

Apne AKHTAR par 'Inaayat kijiye  
Mere Maulaa is ko behkaata hay dil

75. BAA MAUQA' A WAFAT HASRAT-E-AAYAAT-E-  
KHAAL-E-MOHTARAM JANAAB UMMEED SAHAB  
RAZAVI

Ye idaaraa jis ko kahiye gulistaan-e-'Ilm-o-fann  
Ho gaya rukhsat se teri mourd ranj-o-mohan

Manzar-e-islam ke the kaarkunn tum naamwar  
Khidmat-e-islam ki thi tum ko kya sachchi lagan

Mufti-e-'Aazam ke dilband-o-jigar paarey the tum  
Kaise dekheN ge un ko ghamgeen haaye sab ahl-e-sunan

Aek woh haiN jo marey to jaawidaaN ho kar marey  
Aek woh zindah haiN goyaa na'eysh be gaur-o-kafan

So rahey haiN lehed meiN kuch is tarah woh chain se  
Naaz se befikr ho kar jaise sojaaye dulhan

Marzi-e-Maulaa hay bando! Sabr se kuch kaam lo  
Ye du'aa maango un ko bakhsh dey woh Zul manan

Shiddat-e-gham se 'aazaa is qadar bujh se gaye  
Chaand se chehroN ko AKHTAR lag gaya jaisey gehen

76. MANQABAT: DAR SHAAN HUZoor  
MUJAAHID-E-MILLAT

كيف الوصول صاح لذي الشامخ الأشم  
من أعجز الشوامخ العليا من الشمم

مارى مثله فى الفضل والثناء  
فهوا السماء ليست من فوقها سما

فاق المجاهدين هذا المجاهدين هذا المجاهد  
هذا الفتى بذاكم شهدا المشاهد

ان الذين قالو الله ربنا  
عاشوا بموتهم فى دوحة المنى

هل ذاكم حبيب الرحمن ثاويا  
فى الرمس ام سراج فى التراب خافيا  
شبهة ورمسا قد ضم جسمه  
بالبدر حل قى برج فضمه

مارمسه سوى مرانة عينه  
يعلوه بهجة وزين بزينة

قالو متى مضى أ رأيت اختر  
ناديتُ خاضَ في النعماء يحبر



## 77. MANQABAT: DAR SHAAN HUZoor MUJAHID- E-MILLAT 'ALAYHI RAHMA

Dil ne kaha Mujaahid-e-millat ko dhunRhiye  
Le kar charaagh-e-Shaah-e-wilaayat ko dhunRhiye

MaiN ne kaha key sunn ay dil-e-mubtalaa-e-gham  
Apni ye kab majaal ke paa jaayeN un ko ham

Ham zeyr-e-aasmaaN unheN yuN dekhtey rahey  
Woh kab ke aasmaaN key parey khuld meiN gaye

Tum kya gaye Mujaahid-e-millat jahaaN gaya  
'Aalim ki maut kya hay 'aalam ki hay fanaa

MaiN rehlat-e-Mujaahid-e-millat ko kya kahuN  
YuN samjho gir gaya koi islaam ka sutooN

Har soo ye keh rahey haiN 'anaadil chaman chaman  
Ay bulbul-e-Madinah kahaaN hay tu khush dhen

Woh yaadgaar-e-Hujjatul islaam ab nahiN  
AndohgeeN hay aaj shabistaan-e-'Ilm-e-deeN

Nasreen-e-gulsitaan-e-Sadrush Shari'aah bood  
Boo-e-khudash guzaashtah andar chaman rabood

Khurshid-e-sunniyat ne chaadar jo oRh li  
Zulmat meiN qaafiley ki woh raftaar tham gayi

Peyk-e-nadaa-o-ghufraaN un ki wafaat thi  
AKHTAR khushi manaao wisaal-e-Habeeb ki

## 78. MANQABAT: DAR SHAAN AHSAN-UL- 'ULAMAA MAARHARWI 'ALAYHI RAHMA

Haq pasand-o-haq nawaa-o-haq numaa milta nahiN  
Mustafaa Haidar Hassan ka aaynaa milta nahiN

Khoobsurat khoob seerat woh ameen-e-mujtabaa  
Ashraf-o-afzal, najeeb-e-zaahiraa milta nahiN

Khush bayaan-o-khushnawa!-O-khush adaa milta nahiN  
Jo mujassam husn tha woh kya huwa milta nahiN

Khush bayaan-o-khushnawa!-O-khush adaa milta nahiN  
Dil nawaazi karne waala dilrubaa milta nahiN

Paykar-e-sidq-o-safaa woh sham'a raah-e-Mustafaa  
Jo mujassam-e-deen tha, woh kya huwa milta nahiN

Mard-e-maydaan-e-Raza woh Haidar-e-deen-e-e-khuda  
Sheyr-e-seerat sheyr-e-dil Haidar numaa milta nahiN

HaajateN kis ko pukaareN kis ki jaanib rukh kareN  
HaajateN mushkil meiN haiN Mushkil kushaa milta nahiN

Woh haiN un meiN jo kaheN ajsaamuna arwaahuna  
Soorat-e-rooh-e-rawaaN hai barmala milta nahiN

Doob to bahr-e-fanaa meiN phir baqaa paaye ga tu  
Jo ye keh kar dey gaya apna pata milta nahiN

SunniyoN ki jaan tha woh SayyadoN ki shaan tha  
DushmanoN ke waastey peyk-e-raza milta nahiN

Woh ameen-e-ahl-e-sunnat raazdaar-e-murtazaa  
ASHRAF-o-AFZAL, NAJEEB-e-baa safa milta nahiN

Shibl-e-sheyr-e-karbala woh daafa'e karb-o-balaa  
Woh hamara ghamzadaa gham aashnaah milta nahiN

Aek shaakh-e-gul hi kya ghamgeen hay saari fazaa  
Mustafaa ka 'anraleeb-e-khushnawa! Milta nahiN

Yaad rakhna ham se sunn kar midhat-e-Haidar Hassan  
Phir kaho ge AKHTAR-e-Haidar numa milta nahiN

## 79. AY NAQEEB-E-'AALA HAZRAT

Ay Naqeeb-e-'Aala Hazrat Mustafaa Haidar Hassan  
Ay bahaar-e-baagh-e-Zahraa mere barkaati chaman

Ay tamaashagaah-e-'aalam chahrah-e-taabaan tu  
Tu kujaa bahr-e-tamaasha mee rawi qurbaan tu

Isteqaamat ka woh koh-e-mahkam-o-baala Hassan  
Ashraf-o-Afzal Najeeb-e-'Itrat-e-Zahra Hassan

Toor-e-'Irfaan-o-'uloo-o-hamd-o-husnaa-o-bahaa  
Zindah baad ay par tawe-e-Moosaa-o-'aks-e-Mustafaa

'Aalam-e-souz-e-darooN kis se kahuN kis se kahuN  
Dil shudah zaar-e-chunaaN-o-jaaN shudah zeyr-e-chunooN

Tha jo apne dard ki hakmi dawaa milta nahiN  
Charah saaz-e-dard-e-dil deed aashnaa milta nahiN

غَبَّتْ فِي مَارْهَرِه مِصْبَاحِ الدُّنْيَا شَمْسَ الْاَنَامِ  
يَا زُكَانَا مُصْطَفَانَا بَعْدَكَ الدُّنْيَا ظَلَامٌ

يَا سَمَاءَ الْمَجْدِ دُمْتُمْ مَا يُدَانِيكُمْ سَمِي  
ذَلَّ مَنْ عَزَّ عَلَيْكُمْ مَنْ لَّكُمْ ذَلَّ السَّمِي

جُودُكُمْ فَاقَ الْجَوَادِي وَبِكُمْ جَادَتْ سَمِي  
خَيْرُكُمْ مَلَأَ الْبَوَادِي صَيُّتُكُمْ عَمَّ الْوَرِي

إِنَّمَا الْمَيِّتُ جَهْلٌ ذُو هَوًى لَا أَنْتُمْ

قد فَنَيْتُمْ عَنْ هَوَاكُم لِلْخُلُودِ نِلْتُمْ

قَبْلَ مَوْتٍ مُّتِّمَ بَعْدَ مَوْتٍ دُمْتُمْ  
جَسَرَ مَوْتٍ جَزْتُمْ وَبِالْوَصَالِ فُزْتُمْ

عَوْنَ دِينَ الْمَصْطَفَى يَا مُحِضَ يَا جَوْنَ الرِّضَا  
جُدْ عَلَيْنَا يَا سَمَاءَ الْجُودِ يَا جُودَ النَّدَى

Aek sham'e anjuman thi jo bilaakhir bujh gayi  
Ab ujaaley ko tarasti hay ye bazm-e-aagahi

SougwaaroN ko shakeebaayi ka saamaaN kam nahiN  
Ab Ameen-e-Qadiriyaat ban gaya tera ameeN

'Ilm-o-Ahle 'Ilm ki touqeer tha shewaah teraa  
JaanasheeN meiN ho numaayaaN jalwah-e-zaybaa tera

'Ilm ka us aastaaney par sada pehraa rahe  
Soorat-e-khursheed-e-taabaaN meraa Maarheraah rahe

AKHTAR-e-khastaa hay bulbul gulshan-e-barkaat ka  
Deyr tak mehkey har ik gul gulshan-e-barkaat ka

80. SEHRAA TAQREEB SHAADI KHAANA AABAADI  
BIRAADAR-E-'AZEEZ MOULWI MANNAAN RAZA  
KHAN SALLAMAHU

Alhamdulil jawwaad  
Alwaahibul muraad  
Hamd hai us jawwad ko  
Bakhshandah muraad ko

الْحَمْدُ لِلْجَوَّادِ

الْوَاهِبِ الْمُرَادِ

Mannaan Yaa 'amaadi  
Shukran 'alar rushaadu  
Mannaan ay meyre amaad  
Shukr hidaayat-o-rushaad

مَنَّانُ يَا عَمَادِي

شُكْرًا عَلَى الرَّشَادِ

Wa 'alaa dhul iyaadi  
Feena 'alal tamaadi  
Shukr hai ney'matoN ka bhi  
Daaem jo ham pe haiN teyri

وَعَلَى ذِهِ الْإِيَادِي

فَيْنَا عَلَى التَّمَادِي

Summas salaata 'alaa  
khayrul waraa 'aadi  
Tasleem us Habeeb ﷺ par  
Sab se jo achcha raahbar

ثُمَّ الصَّلَاةَ عَلَى

خَيْرِ الْوَرَى الْعَادِي

WalAal mu'tamadi  
Wasohbaa asyaadi  
Aor Nabi ki aal par  
Yaaraan-e-khushkhisaal par

وَلَا لَ مُعْتَمِدِي

وَالصُّحْبِ أَسْيَادِي

Maa ghardat warqaa  
Wa tarannumash shaadi  
Jab tak raheN ye cheyhchahey  
Jab tak raheN ye zamzamey

مَا غَرَدَتْ وَرَقًا

وَتَرَنَمَ الشَّادِي

Ghabus salaamu yaa  
Ahla dhannaadi  
Ba'ad salaam sunniyo!  
'Arz ye meyri ab suno

غَبُ السَّلَامِ يَا

أَهْلَ ذَالنَّادِي

Innan nikaahu sunnati  
Man Ahmadul 'abaad  
Hai ye nikaah khush nihaad  
Sunnat-e-Ahmad-ul-I'baad ﷺ

Salla 'alayhi Rabbi  
Maa jaadatul jawwadi  
Us par hoN Rabb ki rahmateN  
Jab tak raheN ye baarisheN

Abshar akhi bisabihaah  
GharaAa sam'al qayaadi  
Bhai ko dooN ye khush khabri  
Aaee Sabeegah khush gouhar

إِنَّ النِّكَاحَ سُنَّةٌ

مَنْ أَحْمَدُ الْعَبَادُ

صَلَّى عَلَيْهِ رَبِّي

مَا جَادَتْ الْجَوَادِي

أَبْشَرَ أَخِي بِصَبِيحِهِ

غَرَاءَ سَمَحِ الْقِيَادِ

81.       TEHNIYAT TAQREEB-E-SHAADI 'ABDUL  
KAREEM SAHAB BARAAYE HAAJI SULAIMAAN  
IBRAHIM

Muzdah deti dil-e-muztar ko saba aayi hay  
Chal sulemaaN key yahaaN anjuman aaraayi hay

Chal dikhaaeN woh kisi ka tujhey dulhaa banna  
Uth ke kya khoob ye saamaan-e-shakeebaayi hay

Gham-e-hasti ko bhula dey ye hay bazm-e-masti  
Jhoom kar tu bhi ke fazaa saari hi sohbaayi hay

Dil bhi aakhir ye pukaar utha ke ay baad-e-sabaa  
AafreeN kya teri baatoN ki pazeeraayi hay

Ham bhi is maah-e-jabeeN ko zara dekheN to sahi  
Mah jabeenoN ki nazar jis ki tamaashaayi hay

Yaa Khuda! Taazaah raheN phool ye sehrey key sadaa  
Na kabhi jaaye jo ye fasl-e-bahaar aayi hay

In do phooloN se khileN phool kuch aise Yaa Rabb!  
Bulbul-e-deen-e-Nabi jin ka tamannayi hay

Jin ki khushboo se mu'attar ho damaagh-e-'aalam  
Ke mujhe qaom se ilhaad ki boo aayi hay

HamsafeeroN meiN ye charchey haiN tere AKHTAR  
Bulbul-e-baagh-e-Raza khoob nawa paayi hay

## 82. SEHRAA TAQREEB-E-SHAADI KHANA AABAADI 'AZEEDI MUHAMMAD SA'EED NOORI SALLAMAHU

Kaisaa baagh-o-bahaar hai sehraa  
Kis qadar khushgawaar hai sehraa

Noor jaan-e-bahaar hay sehraa  
Chayrat-e-laalaah zaar hai sehraa

Kis ke rukh par nisaar hay sehraa  
Kis liye taar taar hay sehraa

Kya gohar hay bajaaye gul is meN  
Kis qadar aab daar hay sahraa

Rahmat-e-do jahaaN key jalwey haiN  
Gulshan-e-nao bahaar hay sehraa

RazviyoN ki bahaar hay sehraa  
SunniyoN ka qaraar hay sehraa

NajdiyoN ko kahaN hay taab-e-nazar  
Aatish-e-sho'ulaa baar hay sehra

Seenaa-e-yaar ke liye thandak  
Dil-e-'aadaa meiN khaar hai sehraa

Chashm-e-bad door kyuN na ho tujhse  
Tere rukh ka hisaar hay sehraa

Gulshan-e-faiz-e-Mufti-e-'Aazam  
Rashk sad laalaa zaar hai sehraa

Az tufayl-e-Shafi'e bahr-e-sa'eed  
Zindagi ki bahaar hay sehraa

Phool sehrey ke keh rahey hay suno  
MaaN ke dil ki pukaar hay sehraa

HaiN Rafeeq-o-Hassan bhi na'araah zan  
Waah kya khushgawaar hay sehraa



Rukh-e-raziyaa pe taazgi hai nayi  
Taazgi ka nikhaar hay sehraa

Fatima Saabirah ke sadqey meiN  
Baaqi paaydaar hai sehraa

Shaahidah par bhi kayf taari hay  
Kis khushi ka khumaar hay sehraa

Hay Zuleykhaa bhi paykar-e-hayrat  
Kya anokhaa nigaar hay sehraa

Aor 'Atiya bhi muskuraati hay  
Muskuraati bahaar hai sehraa

Sa'adiya aor Zubeydaah gaati haiN  
Waah kya shahkaar hay sahraa

Ho Amaan-o-Hameedaah ko muzdah  
Rahmat-e-kirdigaar hay sehraa

Kheench laayi Shameem har dil ko  
Kis qadar khushgawaar hay sehraa

'Aqd farmaan-e-Sarwar-e-deeN hay  
Izn-e-parwardigaar hay sehraa

Rang-e-toobaa hay pardah-e-gul meiN  
Kya behaehti bahaar hay sehraa

Bandish khushgawaar bulbul-o-gul  
Do diloN ka qaraar hay sehraa

Noor meiN sab nahaa gayi mehfil  
Noor ka aabshaar hay sehraa

Sab lagaatey haiN na'araa-e-tehseen  
Waah kya khushgawaar hai sehraa

Chaand hay chehraa-e-sa'eed AKHTAR

Aor sitaaroN ka baar hay sehraa

### 83. BAA TAQREEB SAALGIRAH BEBY SALMAA BINTE 'AZEEM JEE SAALEH JEE SAAKIN CALCUTTA

Naseem-e-subah woh uthaati kyuN idhar aayi  
Ye kaisi kayf-o-masarrat ki ik leher aayi

Har aek lab pe tabassum ye kaisa raqsaaN hay  
'Azeem jee key yahaaN kyuN hujoom-e-yaaraaN hay

Sunaa hay saalgirah hay dulaari baby ki  
Machi hai dhoom 'azeezoN meiN pyaari baby ki

Bafarth sharm niraala hi is ka 'aalam hay  
Paseenaa rukh pe jo behtaa hay rashk-e-shabnam hay

Kuch is adaa se huwi hai woh anjum-e-aara  
Ke mah-o-shaan jahaaN meiN ho jaise woh yaktaa

Woh bolti hai to bulbul koi chehekti hay  
Khuraam karti hay to barq si chamakti hay

Woh kitni bholi hay aor kitni nek hay baby  
Gharz ke apne muhaasin meiN aek hay baby

Du'a akheer meiN hay baargaah-e-RahmaaN meiN  
Ilaahi! Roz taraqqi kar is ke imaaN meiN

84. أعيناي جود اولا تجمدا

أعيناي جودا ولا تجمدا  
وكونا لخير البلادى فدى  
ألا تبكيان لها من أسى  
ألا تهميان لارض الهدى  
وما قدأبيح لها من حمى  
وما قدأريق بها من دما  
ألا تبكيان لبغدادنا  
وقد قذفوه شرارالعدى  
ألا فاسلوانى بدمع همى  
فان البكاء لخير العزاء  
بلا يا الزمان غدت ديمه  
وانّ الخمينى اشداّ البلاء  
أدم عزّمكة يا ربّنا  
وبُعداً لمن ضام امّ القرى  
وتباً لمن رفضوا دينهم  
و سُحقا لشرعة عيدا لهوى  
لقد ضلّ قوم بأصنا مهم  
وامّا بهذا الخمينى فلا  
كأين بايران من مُضحك

ولكنّه ضحك كا لبكا  
جهلتم على الناس كى تجهلوا  
براقش تجنى على نفسها  
قطعتم عن الناس حبلكم  
فجرّو اليكم حبال الردى  
خمينية ان شئتم رفعة  
فدينوا بما دان أهل الرضا  
وكفّوا عن الرفض خير ألكم  
وكفّوا عن الناس دأب الأذى  
وخلّوا العراق يخليكم  
وكونوا الجيرتكم تكم أوفيا  
وصافو المؤدة جيرانكم  
يكونوا لكم جيرة أصدقا  
وراعوا الخليج كأ وطانكم  
فلا تشعلوا فيه نار الوغى  
وكونوا نوا مع العرب أقوى يد  
وكونوا اعلى من سواكم يدا  
دعوا امن تطرّف فى معل  
وفرّوا الى الله والمصطفى ﷺ  
الى المصطفى فافزعوا تهتدوا

والّا سلكتم طريق التوى

كذاكم تعيشون فى منعة

والّا ذهيتم أياى سبا

85. أَلَا يَا خَمِينِي يَا فَاجِر

أَلَا يَا خَمِينِي يَا فَاجِر  
أَفَقٌ مِنْ ضَلَالِكَ يَا خَاسِر  
أَفِيضُوا بِهِجَاءٍ أَوْ أَقْصِرُوا  
فَجَيْشُ الْعِرَاقِ هُوَ الظَّافِر  
أَبَى أَنْ يَّهُونِ الْعِرَاقَ الْأَبَى  
فَمَجْدُ الْعِرَاقِ هُوَ الظَّاهِر  
وَإِنَّ الْعِرَاقَ بَعْلِيَاءَهُ  
لَفِي غَايَةِ مَالِهَا حَازِر  
لِيَهْنَأَ الْعِرَاقَ الْحَبِيبَ الْعَلَى  
وَمَجْدٌ مَجِيدٌ لَهُ زَاهِر  
يُظَلِّ الْعِرَاقَ بِحُرْزٍ لَا لَهُ  
مَنْعًا فَلَيْسَ لَهُ كَاسِر  
وَيَرْدِي الْخَمِينِي وَأَخْزَابَهُ  
إِذْلَاءٌ لَيْسَ لَهُمْ نَاصِر  
وَيَكْفِي الْعِرَاقَ قِتَالَ الْعَدَى  
مَلِكُ الْوَرَى الْقَادِرُ الْقَاهِرُ

86. نَدَا عَوَافُحُجَّوَا إِلَى لَنْدَنْ

سَمِعْنَا بَرْهَاطَ خَمِينِيَّةِ  
تَدَا عَوَافُحُجَّوَا إِلَى لَنْدَنْ  
تَوَافَوْا بَلَنْدَنْ فِي مَجْمَعِ  
وَجَاءَ وَابْرَأَى لَهُمُ الْعَيْنِ  
أَرَادُوا اضْلالَ الْوَرَى مِثْلَهُمْ  
فَوَدَّوْا إِمَامَةَ ذَا الْأَرْعَنِ  
تَمَنَّوْا وَلَايَةَ أَرْضِ الْهَدَى  
وَيَأْبَى الْأَسْوَى الْمَوْمِنِ  
وَحَقَّ أَوْلَى الْبَغْيِ فِي مَكَّةِ  
جَلَاءَ عَنِ الْبَيْتِ وَالْمَأْمَنِ  
وَمَنْ كَانَ حَرْبًا عَلَى مَكَّةِ  
فَمَا أَنْ يَحْجَّ سِوَى لَنْدَنِ  
وَمَنْ سَامَ أَهْلَ الْحِجَازِ أَذَى  
أُدِيمَتْ عَلَيْهِ رَحَى مَدِينِ



صَلَّى إِلَهُ عَلَى هُدَى الْحَيْرَانِ  
 الْمُصْطَفَى رَحْمَةً الرَّحْمَنِ  
 يَا مَطْلَعَ الْأَنْوَارِ فِي كُلِّ أَرْمَانِ  
 مَنْ سَرَّهُ سَارَ فِي كُلِّ أَكْوَانِ  
 الْمُصْطَفَى أَصْلُ أَكْرَمِ بِنَخْلَتِهِ  
 الْمُصْطَفَى فَرْعٌ يَسْمُوهُ عَدْنَانِ  
 أَكْرَمَ بِأَطْوَارِ لِلْمُصْطَفَى كَثُرَتْ  
 شَجَرٌ بِبُزْرِ وَطْلَعِ وَأَغْصَانِ  
 أَكْرَمَ بِمُسْتَتِرٍ فِي كُلِّ مُزْدَهَرٍ  
 نُورِ بِنُورٍ وَزَهْرٍ وَبُسْتَانِ  
 نَفْسِي الْفِدَاءُ لِرَوْضِ أَنْتَ مُزَهَّرُهُ  
 فِيهِ الْعَفَافُ وَفِيهِ جُودٌ يَدُومَانِ  
 فَاقَ النَّبِيِّنَ فِي خَلْقٍ وَفِي خُلُقٍ  
 وَلَيْسَ لَهُ فِي عِلْمٍ وَلَا كَرَمٍ مِنْ ثَانِي  
 أَنْتَ الَّذِي مِثْلُهُ فِي الْكَوْنِ مُمْتَنِعٌ  
 صَلَّى عَلَيْكَ اللَّهُ يَا خَيْرَ إِنْسَانِ  
 سِرُّ الْوُجُودِ يُجَلِّي كُلَّ مُزْدَانِ  
 كَالْبَذْرِ مَدَّ سُوساً يَبْدُو بِرِيحَانِ

## 88. KUCH AISAA KAR DEY MERE

Kuch aisaa kar dey mere kirdigaar aankhoN meiN  
Ke jalwa gar rahey woh gul 'Izaar aankhoN meiN

Woh laala rukh ho agar jalwa baar aankhoN meiN  
Bahaar-e-laala ho phir paaydaar aankhoN meiN

Nazar ye kehti hay beikhtiyaar aankhoN meiN  
UnheN jo dekhe wahi hay hazaar aankhoN meiN

UnheN na dekha to kis kaam ki hay ye aankheN  
Ke dekhne ki hay saari bahaar aankhoN meiN

Abhi ho roohkash-e-'arsh-e-bareeN nazar meri  
Jo aaye 'arsh-e-nasheen Taajdaar aankhoN meiN

Karam se jalwa kareN jab nigaar aankhoN meiN  
Khinch aaye saari chaman ki bahaar aankhoN meiN

Banaaye dil ko woh ghar rehguzaar aankhoN meiN  
Nazar ho qadmoN pe un ke nisaar aankhoN meiN

Khinch aayi jaan paey intezaar aankhoN meiN  
Karam se lijiye ab to qaraar aankhoN meiN

Basey haiN jab se Madine key khaar aankhoN meiN  
Huwa hai sehn-e-chaman khaar zaar aankhoN meiN

Guzaar ho un ka kabhi beqaraar aankhoN meiN  
Gohar ho nazr-e-qadam ashkbaar aankhoN meiN

Phir aaye din mere AKHTAR Shab-e-huzoori meiN  
Karam se jalwaah kare jab nigaar aankhoN meiN

Nigaah-e-Mufti-e-'Aazam ki hay ye jalwagari  
Chamak raha hay jo AKHTAR hazaar aankhoN meiN

## 89. ABR-E-KARAM GESU-E-MUHAMMAD ﷺ

Abr-e-karam gesu-e-Muhammad ﷺ

DonoN haram abroo-e-Muhammad ﷺ

Sab ki nazar hay soo-e-ka'abaa

Ka'abaa takey hay roo-e-Muhammad ﷺ

Ka'abe ko kis ne banaaya qiblaa

Ka'abe ka ka'abaa roo-e-Muhammad ﷺ

Sajdah-e-sarr hay soo-e-ka'abaa

Sajdah-e-dil hay soo-e-Muhammad ﷺ

Saarey chaman meiN kis ki khushboo

Khushboo hay khushboo-e-Muhammad ﷺ

Kis ki chamak hay paykar-e-gul meiN

Gul meiN khilaa hay roo-e-Muhammad ﷺ

Dhaarey chale ungli se un ki

Dekho woh nikli joo-e-Muhammad ﷺ

Sab se anoukhaa moo-e-Muhammad ﷺ

Sab se niraali koo-e-Muhammad ﷺ

Kis ka mu deta hay gawaahi

Moo-e-Muhammad moo-e-Muhammad ﷺ

Zindaah hay wallah zindaah hay wallah

Jaan-e-do 'aalam roo-e-Muhammad ﷺ

Rashk-e-taybah kya hay dikhaauN

Dekho qad-e-dil joo-e-Muhammad ﷺ

Bheeni bheeni khushboo mehki

Ye rah mahki woh rah mehki

Khul gaye jab ke soo-e-Muhammad ﷺ

AKHTAR-e-khasta chal dey jinaan ko

Baagh-e-jinaaN hay koo-e-Muhammad ﷺ



## 90. AY AMEEN-E-SHARI'AT

choRh kar Aap saara jahaaN chal diye  
Ay Ameen-e-Shari'at kahaaN chal diye

Dey key hasti ka apni nishaaN chal diye  
Sab ki manzil jahaaN hay wahaaN chal diye

Kaise maah-e-mubeeN begumaaN chal diye  
Kitne zerey zameen aasman chal diye

'Ishq-e-Sarwar meiN marr kar amar hogaye  
Aur fanaa ho key soo-e-jinaaN chal diye

Aagey aagey Ameen-e-Shari'at gaye  
Peeche ashkoN key seyl-e-rawaaN chal diye

Daagh-e-'Ishq-e-Nabi dil meiN rakhe rahe  
Le key sham'e lehed shaadmaaN chal diye

Baagh-e-Ahmad Raza key gul-e-khushnumaa  
Muskuraatey huwe gulsitaaN chal diye

Dekhne waalo jee bhar ke dekho hameiN  
Kal na ronaa key AKHTAR miyaaN chal diye

## 91. CHAAND SE UN KE CHEHREY PAR

Chaand se un ke chehrey par gesu-e-mushk faam do  
Aek anoukhi hay seher jis se baham hay shaam do

DonoN taraf haiN chehrey pe zulf-e-ziyaahe faam do  
Do do seher haiN beech meiN pehloo meiN un key shaam do

Un ki jabeen-e-naaz par zulf-e-siyaah bikhar gayi  
Shab ke haseen pardey meiN chamke mah-e-tamaam do

Pee ke pilaa ke maykashoN tal chat daroon-e-jaam do  
Khatraah do khatraah hi sahih kuch to baraaye naam do

TalwoN se un ke hai lagi shams-o-qamar ki raushni  
Ye haiN unhiN ki taabisheN ye haiN unhiN ke naam do

Sarbar darat nihaata am par khaak-e-dar futaada am  
Beemar-e-hijr-e-baada am apni nazar ka jaam do

Gunchaa-e-dil khilaaie jalwa-e-rukh dikhaaiye  
Jaam-e-nazar pilaaie dour chaley mudaam do

Farsh-e-nazar pe ho guzar paamaal huN maiN sar basar  
Rahwaar-e-naaz ko idhar jumbish paey khiraam do

Un ki amaan meN raheN jin ke karam sey mil gaey  
Un ke chaman ke paasbaaN Husaam aor humaam do

Ye donoN bekhatar raheN islaam ki sipar raheN  
'Aadaa-e-deen par rahe shamsheer-e-beniyaam do

Kashti-e-zindagi ab to kinaarey aa lagi  
Kehti hai tum se zindagi ab to maey dawaam do

Maidaan-e-na'at-e-Shaah-e-deeN AKHTAR hay purkhatar zameeN  
Ye majlis-e-ghazal nahiN munh ko zara lagaam do

## 92. ZINDAGI YE NAHIN HAY KISI KEY LIYE

Zindagi ye nahiN hay kisi key liye  
Zindagi hay Nabi ki Nabi key liye

Na samajh martey haiN zindagi key liye  
Jeena marna hay sab kuch Nabi key liye

Chaandni chaar din haiN sabhi key liye  
Hai sada chaand 'abdun Nabi key liye

Anta feehim key daaman meiN munkir bhi haiN  
Ham rahey 'Ishrat-e-daaemi key liye

Aey'sh kar lo yahaaN munkiroN chaar din  
Mar key tarsoge is zindagi key liye

Daagh-e-'Ishq-e-Nabi ley chalo qabr meiN  
Hay charaagh-e-lahad raushni key liye

Naqsh-e-paa-e-sagaan-e-Nabi dekhiye  
Ye pata hay bohat rehbari key liye

Maslak-e-'Aala Hazrat salaamat rahe  
Aek pehchaan deen-e-Nabi key liye

Maslak-e-'Aala Hazrat pe qaayim raho  
Zindagi di gayi hay isi key liye

Sulehkulli Nabi ka nahiN sunniyo  
Sunni muslim hay sachcha Nabi key liye

Woh bulaatey hay koi ye aawaaz dey  
Dam meiN jaa pahonchuN maiN haazri key liye

Ay naseem-e-saba un se keh dey Shaha  
Muztarib hay gadaa haazri key liye

Jin key dil meiN hay 'Ishq-e-Nabi ki chamak  
Woh taraste nahiN chaandni key liye

Jin ke dil meiN hay jalwey tere 'Ishq key  
Chashma-e-noor hay raushni key liye

AKHTAR-e-Qaadiri khuld meiN chal diya  
Khuld waa hay har aek Qaadiri key liye